



Programa Nasionál ba Traballu Desente TIMOR-LESTE

2016 - 2020





**Programa Nasionál
ba Traballu Desente
TIMOR-LESTE**

2016 - 2020



MEMORANDUM OF UNDERSTANDING

Whereas the Government of Timor-Leste (Government), represented by the Secretariat of State for Vocational Training and Employment Policy, the workers' and employers' organizations, and the International Labour Organization (ILO), represented by the International Labour Office (referred collectively as the Parties), wish to collaborate in order to promote and advance decent work in Timor-Leste.

Whereas Decent Work Country Programme (DWCP) Timor-Leste for 2016-2020 is in line with Timor-Leste National Strategic Development Plan and United Nations Development Assistant Framework for Timor-Leste and will contribute towards achievement of its goals. The Government ministries participating in implementation of the DWCP shall also include the Ministry of Public Works, Transports and Communications and the Ministry of Social Solidarity.

Now therefore, the Parties hereby agree as follows:

1. The Parties affirm their commitment to collaborate in the implementation of the Decent Work Country Programme (DWCP). The following are agreed as priorities of the DWCP:
 - Priority 1: Employment Promotion and Social Protection;
 - Priority 2: Rural Socio-economic Development;
 - Priority 3: Good Labour Market Governance Institutions

Social dialogue will be encouraged at all stages of implementation of the DWCP

2. The ILO agrees to provide technical support and mobilizing resources in the implementation of the DWCP, subject to its rules, regulations, directives and procedures, the availability of funds, technical capacities and conditions to be agreed upon in writing.
3. The Government and workers' and employers' organizations agree to provide full commitment and participation in the implementation of the DWCP. A steering committee of DWCP consisting of all relevant government ministries, workers' and employers' organizations involved and the ILO shall be created to review progress and outline challenges and recommendations for the successful implementation of the DWCP, with the view to enhance the capacities of each of the tripartite constituents in Timor-Leste to meet its national development goals.
4. In relation to DWCPs and to any related activities of the ILO in the country, the Government will apply, to the ILO, its personnel and any person designated by the ILO to participate in ILO activities, the same privileges and immunities as those provided for in the Convention on the Privileges and Immunities of the Specialized Agencies of 21 November 1947 and its Annex I relating to the International Labour Organization.

5. Based on the envisaged DWCP outcomes and present resources, the Parties will jointly develop a DWCP Implementation Plan and Monitoring and Evaluation Plan. Monitoring of the progress under the Programme will be done on an annual basis by a tripartite advisory group composed of representatives of tripartite constituents and the ILO head of mission in Dili.
Implementation Plan will be regularly reviewed and amended if necessary, to reflect and take into account new developments and ensure a flexible approach to implementing the Programme.
6. This Memorandum of Understanding (MoU) may be modified by agreement between the Parties.
7. Nothing in or relating to this MoU shall be construed as constituting a waiver of the privileges and immunities enjoyed by the ILO.
8. The DWCP document is attached to this MoU. In the event that the terms contained in the DWCP document are incompatible with the terms of this MoU, including the provisions referenced in article 4, then the latter shall govern and prevail.
9. The original of the MoU has been written and signed in English. If this MoU is translated into another language, the English version shall govern and prevail.
10. This MoU, superseding all communications on this matter between the Parties, shall enter into force with effect from the date of its signature by the authorized representatives of the Parties.

For and on behalf of the Government



Mr. Ilídio Ximenes da Costa

Secretary of State for Vocational
Training and Employment Policy
Dili,

For and on behalf of the International
Labour Office



Mr. Francesco d'Ovidio

Director for ILO Indonesia and
Timor-Leste
Dili,

For and on behalf of the Employers'
Organization



Mr. Oscar Lima

President of Chamber of Commerce
and Industry of Timor-Leste
Dili,

For and on behalf of the Workers'
Organization



Mr. José da Conceição da Costa

Secretary General of Timor-Leste
Trade Union Confederation
Dili, ...31/5/16...

Introdusaun

Programa Nasionál ba Traballu Desente (DWCP) ba Timor-Leste 2016-2020 ne'e serve nu'udar enkuadramentu hodi apoia Governu Timor-Leste atu realiza nia Planu Nasionál ba Dezenvolvimentu Estratéjiku (PDE) 2011-2030.

DWCP ba Timor-Leste haree ona prioridade Governu Timor-Leste no organizasaun traballadór no empregadór sira-nian. DWCP ne'e mós aliñadu ho Organizasaun Internasionál ba Traballu (ILO) nia mandatu sentrálu atu avansa oportunidade ba feto no mane sira atu hetan traballu desente no produtivu iha kondisaun liberdade, ekuidade, seguransa no dignidade umanu.

DWCP mak dezenvolidu konjuntu ho ILO, Sekretariadu Estadu ba Polítika Formasaun Profisionál no Empregu (SEPFOP), Kámara Komérsiu no Indústriá – Timor-Leste (CCI-TL) no Konfederasaun Sindikalista Timor-Leste (KSTL), iha kolaborasaun hamutuk ho Ministériu Obras Públikas, Transporte no Komunikaun (MOPTKC) no Ministériu Solidaridade Sosiál (MSS). Lihuhosi série revizaun no konsultasaun, área prioridade tolu mak konkorda hanesan tuirmai ne'e:

1. Promosaun Empregu no Protesaun Sosiál.
2. Dezenvolvimentu Sosio-Ekonómiku Rurál
3. Instituisaun Di'ak ba Governasaun Merkadu Traballu

Aleinde prioridade tolu, iha integrasaun ba promosaun igualdade jéneru, tripartizmu, diálogu sosiál no kapasitasaun institusionál iha prioridade DWCP sira-hotu. Partisipasaun hosi konstituente tripartidu sira liuhosi diálogu sosiál sei mós enkoraja iha faze implementasaun hotu hotu ba programa no projету sira ne'ebé hala'o iha DWCP nia okos.

Konteúdu

MoU	ii
Introdusaun	v
Lista Abreviatura	ix
1. Kontestu Rain nian	1
1.1 Rekuperasaun pós-konflitu – estabilidade polítiku no dezenvolvimentu sosio-ekonómiku	1
1.2 Situasaun Forsa Traballu iha Timor-Leste	3
1.3 Ligasaun DWCP nian ba Enkuadramentu Dezenvolvimentu Nasionál, Internasionál no ONU nian	6
Planu Dezenvolvimentu Estratéjiku ba Timor-Leste	6
Programa Governu Konstitusionál ba Dalaneen 2015-2017	7
Enkuadramentu ba Asisténsia Dezenvolvimentu hosi Nasoins Unidas	7
Objetivu Dezenvolvimentu Sustentavel	8
Akordu Foun ba Engajamentu iha Estadu Frajil g7+	9
2. Programa Nasionál ba Traballu Desente (DWCP)	10
3. DWCP Timor-Leste 2016-2020: Prioridade no Efeito sira	15
DWCP Prioridade 1: Promosaun Empregu no Protesaun Sosiál	16
Efeito 1.1 Formulasau no advokasia di'ak liután kona-ba política atu apoia empregu no formasaun ba joventude sira iha rai-laran	17
Efeito 1.2 Asesu di'ak liután ba servisu empregu no oportunidade ba rendimentu	19
Efeito 1.3 Timor-Lestenia Sistema Protesaun Sosiál Nasionál Haforte ona	20

DWCP Prioridade 2: Dezenvolvimentu Sosio-Ekonómiku Rurál	22
Efeito 2.1 Programa efetivu liután ba Infraestrutura Rurál bazeia-ba-traballu ba dezenvolvimentu sosio-ekonómiku	23
Efeito 2.2 Servisu barak no di'ak liután atu hadi'ak negósium mikro no ki'ik iha área rurál sira	24
DWCP Prioridade 3: Instituisaun Boa-Governasaun ba Merkadu Traballu	26
Efeito 3.1 Kapasidade di'ak liután hosi administrasaun traballu atu hadi'ak kondisaun traballu	26
Efeito 3.2 Kapasidade institusionál di'ak liután iha organizasaun empregadór no traballadór sira-nian	28
Efeito 3.3 Konstituente tripartidu engaja an efetivamente iha diálogu sosiál atu aplika regulamentu traballu no padraun traballu internasionál	30
4. Jestaun no Implementasaun	32
5. Monitorizasaun, Reportajen no Avaliasaun	33
6. Risku no Presupostu sira	34
7. Enkuadramentu Rezultadu: DWCP Timor-Leste 2016-2020	35

Lista Abreviatura

DNBA	Diálogu Nasionál Bazeia ba Avaliasaun
BDC	Sentru Dezenvolvimentu Empreziariál
BDS	Servisu Dezenvolvimentu Empreziariál
CCITL	Kámara Komérsiu no Indústria Timor Leste
CPLP	<i>Comunidade dos Países de Língua Portuguesa</i>
CEACR	Komitê Peritu ba Aplikasaun Konvensaun no Rekomendasaun
CEOP	<i>Centro de Emprego no Orientação Profissional</i>
DWCP	Programa Nasionál ba Tráballu Desente
DIMT	Departamentu Informasaun Merkadu Tráballu
DTIS	Estudu Diagnóstiku kona-ba Integraasaun Komérsiu
GDP	Produitu Internál Brutu
HDI	Índise Dezenvolvimentu Umanu
IADE	Institutu ba Asisténsia Dezenvolvimentu Empreziariál
ILO	Organizasaun Internasionál ba Tráballu
KSTL	Konfederasaun Sindikalista Timor-Leste
LFPR	Taxa Partisipasaun iha Forsa Tráballu
LGI	Inspetór-Jerál ba Tráballu
LMIS	Sistema Informasaun Merkadu Tráballu
MDG	Objetivu Dezenvolvimentu Milénio
MPWTC	Ministériu Obras Públikas, Transporte no Komunikaasaun
MSS	Ministériu Solidaridade Sosiál
NAP	Planu Asaun Nasionál
NES	Estratéjia Empregu Nasionál
OSH	Seguransa no Saúde Okupasionál
P&O	Programa no Orsamentu
RRMPIS	Planu Mestre no Estratéjia Investimentu ba Estrada Rural
SDG	Objetivu Dezenvolvimentu Sustentavel
SDP	Planu Dezenvolvimentu Estratéjiku
SEPFOPE	Sekretária Estadu ba Polítika Formasaun Profisionál no Empregu
TSP	Planu Estratéjiku Tranzisionál
UNDAF	Enkuadramentu ba Asisténsia Dezenvolvimentu Nasoins Unidas nian
UNMIT	Misaun Integradu Nasoins Unidas nian iha Timor Leste
WFCL	Forma Aat Liu Hotu hosi Tráballu Infantíl

1. Kontestu Rain nian

1.1 Rekuperasaun pós-konflítu – estabilidade polítiku no dezenvolvimentu sosio-ekonómiku

Timor-Leste nia independénsia mak ofisialmente restaura iha 2002 no Repúblika Demokrátika Timor-Leste foin moris, maibé tinan sedu independénsia ne'e hasoru susar tanba instabilidade no violénsia ne'ebé hamosu krize polítika iha tinan 2006. Hodi tempu ne'ebá, Timor-Leste halo ona progresu boot hodi realiza estabilidade polítiku no sosiál, ne'ebé hamosu realizasaun mandatu harii-pás Misaun Integradu Nasoins Unidas nian iha Timor-Leste (UNMIT) iha 2012. Instituisaun Estadu sira neineik-neineik assume no haforte ba beibeik funsaun no responsabilidade ba administrasaun públiku no ho foku boot liu ba dezenvolvimentu sustentavel.

Bazeia ba esperiénsia susesavel atu harii-fali rain ne'e foin sai hosi períodu rekuperasaun pós-konflítu, Timor-Leste foti knaar lideransa internasionál iha iniciativa balu ne'ebé importante. Ezemplu ida mak kriasaun ba plataforma globál ba apoiu ba malu iha g7+ koñesidu hanesan “Akordu Foun ba Engajamentu iha Estadu Frajil” hosi grupu rain 20 ne'ebé afeitadu liuhosi konflítu iha prosesu tranzisaun hosi rekuperasaun no rekuperasaun longu-prazu. Rain ne'e iha knaar nu'udar na'in ba Sekretariadu g7+.

Comunidade de Países de Língua Portuguesa (CPLP) nu'udar forum ida-seluk ne'ebé importante iha ne'ebé Timor-Leste mak partisipa ativamente iha nivel internasionál, iha kooperasaun importante liuhosi iniciativa sira orientada ba dezenvolvimentu, ne'ebé harii ona ligasaun duravel no apoiu-mútuu ba nia membru sira. Harii hela ba parseria ezistente entre ILO no CPLP, no Timor-Leste nia knaar ativu iha g7+, ida-ne'e mak kontribui atu haforte tan kooperasaun entre estadu Frajil ba Frajil. Rain ne'e sai na'in ba reuniaun Ministru CPLP nian ba 2015 iha Timor-Leste, ne'ebé mak hamosu Deklarasaun Tibar nian.

Timor-Leste halo advokasia maka'as ba apoiu-mútuu no aprendizajen ho relasaun ba dezafiu atu hanesan hirak-ne'ebé rain pós-konflítu sira hasoru

iha dalan ba rekuperasaun. Iha parte ida-ne'e, Governu Timor-Leste halo ona promosaun susesavel no fó apoiu ba adosaun globál ba Objetivu Dezenvolvimentu Sustentavel (ODS) Objetivu Nú. 16 kona-ba asesu ba justisa no harii instituisaun efetivu. Objetivu ODS, partikularmente objetivu 16 mak integrada didi'ak iha Timor-Leste nia enkuadramentu panorámiku ba dezenvolvimentu.

Iha área sosio-ekonómika doméstika, rain ne'e halo ona alkansamentu dezenvolvimentu balu ne'ebé notavel:

- (i) Krize polítiku iha 2006 mak hamosu dezlokasaun ba ema rihun-ba-rihun, maibé maioria filafali ona ba sira-nia uma no comunidade sira. Akampamentu boot ba Ema Dezlokadu Internalmente mak taka tiha ona no pagamentu mak halo ona ba ema dezlokadu no petisionáriu sira. Iha ona mós pensaun ba veteranu, idozu no ema ho defisiénsia sira, no umakain xefia hosi feto sira.
- (ii) Kresimentu ekonómiku la'ó forte ho médiu hanesan liu porsentu 10 kada tinan hosi 2007, no Produitu Internál Brutu (PIB) aumenta lalais liu ho médiu porsentu 12 iha tinan lima ba kotuk nia laran.
- (iii) Halo tuir Objetivu Dezenvolvimentu Milénio (ODMs) Timor-Leste alkansa tiha ona alvu internacionalmente konkorda atu hamenus mortalidade maternal no infantil. Rain ne'e mós iha dalan atu alkansa nia alvu ba inskrisaun iha eskola primária.

Maski nune'e, benefisiu hosi kresimentu ekonómiku no dezenvolvimentu sosiál notavel ne'e seidauk hato'o ba populasaun tomak. Maski faktu katak Timor-Leste mak kategorizada nu'udar rain ho rendimentu klaran-kraik, taxa pobreza hela aas tebes nafatin. Halo tuir levantamentu umakain ikus liu hotu iha 2007, kuaze metade hosi populasaun tomak iha rain ne'e moris iha liña pobreza nia okos.

Timor-Leste hela dependente maka'as ba nia rekursu mina iha tasi-laran, no oportunidade ba empregu iha setór indústriia sira-seluk mak limitadu. Atu bele hatán ba dezafiu futuru nian hodi avansa bem-estar sosiál jerál ba populasaun, instituisaun Governu no parseiru sosiál sira presiza implementa

política no programa sosiál, ekonómiku no empregu sira-ne'ebé efektivu hodi hakbiit populasau sira.

Rekursu umanu mak rekoñesidu nu'udar obstákulu boot ba dezvoltimentu sosio-ekonómiku iha rain ne'e. Limitasaun ba rekursu umanu sira mak nu'udar kondisaun jerál iha maioria área sira iha ekonomia, administrasaun Governmentál, nomós iha servisu sosiál sira. Iha tinan 2015, Timor-Leste tau iha pozisaun 133 hosi rain 188 iha Índise Dezvoltimentu Umanu (IDU), medida kompozitu hosi dezvoltimentu tuir dimensaun tolu hosi bem-estar sosiál no kapasidade sira. Governu rekoñese ona nesiedade atu halo esforsu beibeik atu apoia kapitál sosiál nu'udar prioridade ida prinsipál ba dezvoltimentu, ho koñesimentu katak sustentabilidade ba rain nia dezvoltimentu la bele depende de'it ba nia rekursu natural no finansieru, maibé envés ba populasau saudavel, kualifikadu no produtivu.

1.2 Situasaun Forsa Traballu iha Timor-Leste

Hosi populasau idade-produtivu hanesan ema na'in 696.255 (49% nu'udar feto) iha total na'in 213.223 (34% feto) iha forsa traballu¹. Hosi 2010, forsa traballu sa'e 58.596 ne'ebé signifika katak iha aumentu líkidu kuaze ema na'in 20.000 ne'ebé buka serbisu. Agrikultura hela hanesan meus ba moris prinsipál ba serbisu-na'in barak. Liu fali 41% hosi ema ne'ebé iha empregu mak halo serbisu iha setór ida-ne'e. Maibé, hamutuk ho sira-ne'e iha mós kuaze ema na'in 178.900 ne'ebé serbisu nu'udar produtór ai-han subsisténsia ne'ebé halo tuir definisaun revistadu kona-ba empregu mak la tama iha forsa traballu. Ho liafuan seluk, serbisu-na'in barak iha ekonomia mak esensialmente halo de'it produsaun ai-han ba sira-nia konsumu rasik. Maski prezensa hosi segment boot hosi populasau iha serbisu subsisténsia mak kontribui atu hatun taxa partisipasaun iha forsa traballu (LFPR), LFPR ne'e iha 30,6% (mane 39,7% no feto 21,3%) hela menus tebes bainhira kompara ho rain seluk tan ne'ebé kiak no iha dezvoltimentu.

1 Kontas Nasionál 2011

Taxa dezempregu aumenta neineik-neineik. Iha tinan 2013, taxa dezempregu nasionál médiu mak 11% (mane 11,3% no feto 10,4%) ne'ebé maski laiha duvidas katak figura ne'e mak aas duni, buat ne'ebé sai preokupasaun boot liu mak katak 21,9% hosi joven mane no feto sira mak dezempregadu (mane 25,% no feto 16,7%). Ekonomia hatudu kresimentu duni, maibé la'ós ho taxa ne'ebé suficiente atu absorve número joven sira ne'ebé foin tama ba forsa traballu. Natureza kresimentu nian mak katak laiha serbisu longu-prazu barak iha setór la'ós-agríkola. Maizumenus 25% hosi ema dezempregadu sira la hetan serbisu liu tinan ida, ne'ebé sei iha potenciál atu hamosu neon-sala iha ema ne'ebé buka empregu nia leet no se laiha resposta ida-ne'e bele sai fonte ba instabilidade sosiál.

Limitasaun boot ba dezvoltamentu ne'ebé Timor-Leste hasoru mak falta kapasidade tékniku no empresariál iha joven sira-nia leet. PDE 2011-2030 subliña hela hasa'e kapitál umanu nu'udar motivu prinsipál ba dezvoltamentu futuru nian. Levantamentu ba Empreza no Kapasidade ne'ebé halo foin lalais ne'e hatudu katak iha eskasés kapasidade sira iha setór xave iha ekonomia ne'ebé esperiénsia ona kresimentu aas liután². Kuaze 40% hosi jestór sira-hotu ne'ebé serbisu iha empreza privadu mak ema estranjeiru. Número traballadór estranjeiru mós aas (29%) ba pozisaun nivel profisionál.

Liu metade ida hosi ema empregadu (55%) iha serbisu ne'ebé hanaran vulneravel, nu'udar ema ne'ebé serbisu ba sira-nia an rasik nu'udar serbisu-na'in kontribuinte ba família. Serbisu-na'in tipu ne'e dalabarak laiha kondisaun traballu formál kompara ho traballadór sira-ne'ebé simu saláriu ka vensimentu. Baibain sira laiha seguransa sosiál adekuaudu no laiha lian iha serbisu-fatin. Parte empregu vulneravel nian hosi empregu totál mak aas liután ba feto (69%) duki ba mane (47%), no kuaze hanesan de'it iha grupu idade hotu hotu.

Iha nivel nasionál, iha diferença sira bainhira ita kompara taxa partisipasaun iha forsa traballu entre mane no feto ne'ebé halenok limitasaun sosio-ekonómiku no kulturál ne'ebé feto sira tenke hasoru. Iha kazu mane nian,

2 Levantamentu Empreza & Kapasidade halo hela tiha liuhosi SEPFOPE iha 2013 no 2014.

taxa partisipasaun iha forsa traballu mak aas liu hotu ba grupu idade tinan 30-34 (64,8%). Iha sorin seluk, feto nia taxa partisipasaun iha forsa traballu mak aas liu hotu iha grupu idade tinan 20-29 (29%), maibé taxa ne'e tun fali no partisipasaun feto nian iha forsa traballu sa'e fali ba grupu idade tinan 50-54 (29%). Análize kle'an liután ba forsa traballu hatudu nivel menus ba kapitál umanu. Maioria boot liu hosi traballadór sira (40%) iha de'it edukasaun nivel sekundária. Menus liu 9% iha kualifikasaun universitáriu no uitoan de'it tebes iha diploma tékniku (1,7%) ka profisionál (0,6%). Iha Timor-Leste, empregu jeralmente karakterizada liuhosi informalidade. Númeru traballadór sira iha empregu informál mak aas hanesan 71%.²

Timor-Leste nia setór privadu nafatin subdezenvolidu, karakterizada liuhosi atividade ki'ik, ho na'in individuál, finansiada rasik no bazeada iha agrikultura ka informal no ho inkapasidade atu fornese umakain rurál sira ho empregu no rendimentu ne'ebé sustentavel.

Ho realidade katak agrikultura mak nu'udar fonte prinsipál traballadór barak nia moris, nia hamosu hela retornu menus ba traballu no rai. Ba kultura agríkola hotu hotu, Timor-Leste iha produtividade entre 20-25% hosi buat ne'ebé hetan iha Kamboja, Tailândia, Vietname, Índia, Xina no Laos PDR.⁴ Setór agrikultura iha Timor-Leste iha dezempeñu menus. Estudu-kazu ida foin lalais ne'e liuhosi projetu ILO Oportunidade Komérsiu no Servisu Apoiu (BOSS) mak haklakan razaun ba produtividade menus nu'udar métodu kultivasaun tradisionál, utilizaun menus ba entrada sira no kultura dependénsia ida ne'ebé mosu hanesan konsekuénsia hosi istória naruk fó beibeik subsidiu.⁵

-
- 3 Menus ke temi oinseluk, figura hotu relativa ba empregu mak foti hosi rezultadu Levantamentu Forsa Traballu 2013
 - 4 World Bank, 2010. Expanding Timor-Leste's Near-Term Non-Oil Export, Diagnostic Trade Integration Study (DTIS).
 - 5 The Lab Market Systems Development for Decent Work: Case Study Number 1. The BOSS Project in Timor-Leste: Thin Markets, Thick Impact?

1.3 Ligasaun DWCP nian ho Enkuadramentu Dezenvolvimentu Nasionál, Internasionál no ONU nian

Planu Dezenvolvimentu Estratéjiku ba Timor-Leste

Planu Dezenvolvimentu Estratéjiku ba Timor-Leste (PDE) 2011-2030 nu'udar planu dezenvolvimentu nasionál xave no serve nu'udar instrumentu prinsipál hodi operacionaliza estratéjia governu nian. PDE ne'e iha pilár haat: (1) kapitál sosiál, (2) dezenvolvimentu infraestrutura, (3) dezenvolvimentu ekonómiku no (4) Kuadru Institusionál.

Hafoin realiza ona tranzisaun boot hosi esforsu ba seguransa no harii-pás to'o estabilidade, rain ne'e nia vizaun no estratéjia sira ba períodu 2011-2030 foka ba redusaun pobreza no kresimentu ekonómiku. Estratéjia sira tenke tradús ba polítika no programa sira hodi fó benefísiu diretamente ba populasau Timor-Leste nian. Benefísiu ekonómiku tenke mós fahe igualmente ba ema sira iha distritu hotu inklui ba populasau rural sira.

Hosi perspektiva ida-ne'e, PDE 2011-2030 iha objetivu klaru atu dezenvolve infraestrutura sentrá ba rain ne'e nomós nia rekursu umanu sira. Nu'udar meius atu fahe benefísiu ekonómiku iha populasau sira-nia leet, dokumentu ne'e enkoraja maka'as "kresimentu ba empregu setór privadu iha setór industriál xave sira – setór agrikultura ho baze luan, indústriia turizmu forte no indústriia derivada sira iha setór mina no gás."

Enfaze xave ba tinan oinmai mak kapitál sosiál, infraestrutura no dezenvolvimentu ekonómiku. Organizasaun Internasionál ba Traballu (ILO) sei aliña nia kontribuisaun iha área dezenvolvimentu rural, setór privadu no emprezáriu, formasaun profisionál no kriausaun empregu ho apoiu tomak ba objetivu Planeamentu Estratéjiku Nasionál sira.

Programa Governu Konstitusionál ba Dalaneen 2015-2017

Programa hosi Governu Konstitusionál ba Dalaneen 2015-2017 (Programa Governu) mak fornese lista estratéjia atu implementa iha kurtu-prazu, bainhira integra estratéjia sira ba médiu-prazu (tinan 5-10) no la haluha estratéjia sira ba longu-prazu (tinan 10-20). Nia sei haree ba área haat aliñadu ho PDE: Dezenvolvimentu Sosiál, Dezenvolvimentu Infraestrutura, Dezenvolvimentu Ekonómiku, no Dezenvolvimentu Governasaun.

Aliñadu ho Programa Governu Konstitusionál ba Dalaneen, ILO sei apoia governu atu elabora planu no implementa nia programa infraestrutura ho maneira efetivu no direcionada, hodi enkoraja nivel atividade aas liután hosi setór privadu inklui kresimentu no habelar empreza ki'ik no mikro, apoiu ba sistema formasaun iha rai laran no atividade sira-seluk ho intensaun atu kontribui ba Programa Governu VI nia susesu.

Enkuadramentu ba Asisténsia Dezenvolvimentu hosi Nasoins Unidas

Enkuadramentu ba Asisténsia Dezenvolvimentu Nasoins Unidas nian (UNDAF) 2015-2019 ba Timor-Leste mak rezultadu hosi esforsu konjuntu liuhosi Governu Timor-Leste no Sistema ONU hodi estabese enkuadramentu programa estratéjiku hodi apoia prioridade dezenvolvimentu nasional hanesan trasadu liuhosi Governu Timor-Leste iha nia Planu Dezenvolvimentu Estratéjiku ba Timor-Leste 2011-2030. Nia representa resposta koletiva no integradu liuhosi Sistema ONU ba Timor-Leste nia prioridade nasional sira.

Timor-Leste DWCP 2016-2020 mak aliñadu besik-malu no sei kontribui ba UNDAF tomak. Espesifikamente liután, nia iha aliñamentu klaru ho no halo kontribuisaun ba **UNDAF Efeito 2**: Povu Timor-Leste, liuliu ema kiak iha área rural no grupu vulneravel sira, hetan benefísiu sosiál no ekonómiku hosi asesu dí'ak liután ba no utilizausaun ba infraestrutura sustentavel no reziliente liután; no **UNDAF Efeito 3**: Polítika no programa ekonómiku orientada ba kresimentu inkluzivu, sustentavel no ekuitavel no traballu desente.

Objetivu Dezenvolvimentu Sustentavel

Objetivu Dezenvolvimentu Sustentavel (ODS) ne'ebé adopta globalmente iha tinan 2015 bele sai barómetru exelente hodi sukat Alkansamentu ba vizaun no estratéjia sira ne'ebé estabelese iha Planu Dezenvolvimentu Estratéjiku ba Timor-Leste.

Ho konsiderasaun ba rain ne'e nia populasaun joven liu no falta oportunidade ba empregu iha setór indústria la'ós-petrolíferu, projetu no programa ILO nian fó atensaun partikulár ba Objetivu ODS hirak tuirmai ne'e:

Objetivu 1: Halakon pobreza iha nia forma hotu hotu iha fatin hotu hotu

Objetivu 8: Promove kresimentu ekonómiku duravel, inkluzivu no sustentavel, empregu tomak no produtivu no traballu desente ba ema hotu hotu

Objetivu 16: Promove sosiedade hakmatek no inkluzivu ba dezenvolvimentu sustentavel, fornese asesu ba justisa ba ema hotu hotu no harii instituisaun efetivu, responsavel no inkluzivu iha nivel hotu hotu

Harii instituisaun efetivu halo tuir objetivu ODS 16 sei kontinua nu'udar modus operandi ba programa ILO nian iha Timor-Leste. Projetu no programa ILO sira sei kontinua ho abordajen 'integrada' ho objetivu atu hala'o kapasitasaun institusionál sustentavel.

Akordu Foun ba Engajamentu iha Estadu Frajil g7+

Akordu Foun ba Engajamentu iha Estadu Frajil nu'udar lubuk prinsípiu dahuluk hodi matadalan engajamentu internasionál iha estadu afetadu liuhosi konflítu ka pós-konflítu maibé ohin-loron iha tranzisaun ba faze dezvoltamentu tuirmai. Ida-ne'e nu'udar akordu xave entre estadu frajil no afetadu liuhosi konflítu, parseiru dezvoltamentu internasionál no sociedade sivil atu hadi'ak política no prátika dezvoltamentu atuál iha rain sira-ne'e.

Iha kontestu Painél Altu-Nivel kona-ba Tráballu Desente iha Estadu Frajil sira, Memorandu Entendimentu mak asina entre ILO no g7+ iha fulan Marsu 2014. ME ne'e prevee hela kooperasaun entre g7+ no ILO liuhosi programa no projetu konjuntu, ne'ebé inklui (i) peskiza estudu-kazu kona-ba asuntu sira hanesan kriasaun empregu no dezvoltamentu kapasidade (ii) fasilitasaun ba aprendizajen mutual iha g7+ sira-nia leet no hamutuk ho rain iha dezvoltamentu no dezvoltavidu menus ho foku ba kooperasaun estadu *Frajil ba Frajil*.

Bazeia ba avaliaasaun frajilidade ne'ebé hala'o hela tiha ba Timor-Leste iha Jullu-Agostu 2012, justisa no fundasaun ekonómiku sai nu'udar área xave sira ne'ebé presiza atensaun liután atu hadi'ak Timor-Leste nia prosesu harii-pás no harii-estadu. Timor-Leste DWCP 2016-2020 mak estruturada atu apoia nesidade hirak-ne'e.

2. Programa Nasionál ba Traballu Desente (DWCP)

Programa Nasionál ba Traballu Desente mak dezenvolidu konjuntu liuhosi ILO, Sekretariadu Estadu ba Política Formasaun Profisionál no Empregu (SEPFPOE) hosi parte Governu, Kámara Komérsiu no Indústria Timor-Leste (CCI-TL) no Konfederasaun Sindikalista Timor-Leste (KSTL). Prioridade no efeitu sira ne'ebé espresa iha DWCP daruak mak nu'udar rezultadu hosi konsulta no kontribuisaun diretu hosi governu, no organizaun empregadór no traballadór sira-nian.

ILO nia mandatu sentráal mak atu avansa oportunidade ba feto no mane sira atu hetan traballu desente no produtivu iha kondisaun liberdade, ekuidade, seguransa no dignidade umanu. Knaar DWCP nian mak atu tradús mandatu iha kontestu Timor-Leste hanesan ILO nia kontribuisaun ba realizaun PDE 2011-2030.

Hosi momentu sai membru estadu númeru 177 iha ILO iha tinan 2003, Governu Timor-Leste serbisu besik-malu ho ILO hodi halo melloramentu notavel balu iha área traballu nian. Rain ne'e ratifika ona konvensaun fundamentál neen⁶ ILO nian hosi totál ualu. Aleinde konvensaun sira kona-ba traballu forsadu, liberdade asosiasaun, direitu atu organiza no negosiasaun koletivu, hodi halakon Forma Traballu Infantil Aat Liu Hotu (WFCL), Timor-Leste foin ratifika konvensaun sentráal rua tan – konvensaun sira kona-ba remunerasaun iguál (C 100), no diskriminasaun ho respeitu ba empregu no okupasaun (C 111). Dezenvolvimentu foun ne'e sei konfirme tan endosu liuhosi konstituente hotu hotu hodi apoia estratéjia DWCP nian ne'ebé halo integrasaun igualdade jéneru no naun-diskriminasaun. Konvensaun sentráal rua tan ne'ebé seidauk ratifika mak Konvensaun sira kona-ba idade mínimu ba traballu (C 138) no abolisaun traballu Forsadu (C 105).

6 Konvensaun 111 kona-ba diskriminasaun ho relasaun ba empregu no okupasaun no konvensaun 100 kona-ba remunerasaun iguál ba traballadór feto no mane sira ho valor iguál mak ratifika ona liuhosi Rezolusaun Parlamentu Nasionál Nú. 11/2015 no 12/2015. Instrumentu ratifikasaun mak hatama ba ILO Jenebra iha Maiu 2016.

DWCP dahuluk iha Timor-Leste mak formula no implementa durante períodu 2008-2013, no fó prioridade ba (1) promosaun empregu joventude, (2) dezvoltamentu ekonómiku rurál no (3) governasaun iha merkadu traballu. Halo tuir programa ida-ne'e, ho ILO nia apoiu tékniku, no apoiu laran-luak hosi parseiru dezvoltamentu xave, konstituente sira uza ona abordajen multi-diresionál hodi hatán ba asuntu xave sira. Krize empregu joventude sira mak hetan resposta liuhosi polítika makro-ekonómiku, edukasaun no kapasidade, polítika merkadu traballu, auto-empregu no emprezariál, no direitu traballadór nian ba joventude. Hirak hotu ne'e presta ona servisu orientada ba merkadu ba empreza mikro no ki'ik sira; hetan benefísiu sosiál no ekonómiku hosi asesu di'ak liu ba estrada sira no oportunidade ba rendimentu liuhosi reabilitasaun no manutensaun ba estrada rurál sira nomós dezvoltamentu no prestasaun formasaun motiva tuir eziénsia hodi kapasita atór sira iha merkadu; no haforte sistema protesau sosiál iha rai-laran.⁷

Avaliasaun iha tinan 2013 kona-ba faze dahuluk DWCP nian relata katak maioria efektu sira iha ona alkansamentu di'ak, hakat liu ona alvu sira ho impaktu mensuravel ruma ho relasaun ba institucionalizasaun prioridade DWCP nian. Fatór susesu ida mak parseria-serbisu forte no ho fiar-malu maka'as entre ILO no nia instituisaun kontraparte sira. Ho abordajen “hatuur iha laran”, projetu ILO nia pesoál projetu sai ona parte iha estrutura institucionál sira, inklui iha sira-nia jestaun no kapasidade tékniku no administrativu, ne'ebé halo transferénsia koñesimentu loron-loron atu sai efektivu liután. Fatór susesu notavel liután mak vontade parte-interesada sira-nia atu foti oportunidade ba koñesimentu tékniku ho harii-instituisaun ba nasaun foun ne'e.

Revizaun ne'e sujere mós katak DWCP bele mobiliza apoiu liután ba organizasaun traballadór no empregadór sira, nota hela katak projetu

7 Projetu Kooperasaun Tékniku iha okos DWCP 2008-2013 mak: Formasaun no Kapasitasaun ba Empregu Lukrutivu (STAGE, 2004-2009), Projetu Apoiu Ezekusaun Orsamentu Investimentu ba Dezenvolvimentu Infraestrutur Rurál no Jersaun Empregu' (TIM-Works, 2008-2012), Programa Promosaun Empregu Joventude (YEP, 2008-2012), Kooperasaun Súl-Súl iha Seguransa Sosiál Timor-Leste (2010-2013), Projetu Oportunidade Komérsiu no Servisu Apoiu (BOSS, 2010-2016), Aumenta Asesu Rurál (ERA 2011-2016), Programa Apoia Formasaun no Empregu (TESP, 2013-2014), Estrada ba Dezenvolvimentu (R4D 2012-2016). Susesu boot hosi projetu sira mak sumariza iha: Serbisu iha instituisaun laran iha situasaun frajil: fortalesimentu lideransa nasional liuhosi abordajen tuur iha laran iha Timor-Leste.

kooperaun tékniku iha Timor-Leste mak la nesesariamente dezeñadu no atribuídu ho rekursu natoon ba benefisiáriu diretu sira iha parseria tripartidu hotu hotu. Jerasaun daruak DWCP nian sei serve nu'udar enkuadramentu no instrumentu ba planeamentu ne'ebé bele másimiza oportunidade sira ba organizaun empregadór no traballadór sira-nian atu hetan benefísiu hosi ILO nia perisia.

DWCP 2016-2020 ne'e sei mós benefisia hosi lisaun ne'ebé aprende hosi avaliasaun projetu sira. Porezemplu, Avaliasaun Altu-Nivel Independente ba ILO nia Estratéjia Kooperaun Tékniku: 2010-2015 mak hala'o hela tiha ba projetu hotu hotu iha Timor-Leste iha tinan 2015. Prátika di'ak liu hotu mak envolve konsultasaun besik-malu ho konstituente sira durante prosesu identifikasaun no formulaun projetu, foku maka'as ba mudansa ba leizlasaun, polítika nomós/ka estratéjia nasional sira, ho abordajen paralelu hodi hasa'e kapasidade uza abordajen hatuur iha laran ba sustentabilidade di'ak liután – espesifikamente atu tulun estabelese sistema di'ak liután.

DWCP daruak ne'e tenke kontinua harii ba parseria hirak-ne'e, kolaboraun ne'ebé estabelese tiha ona, alkansamentu susesavel no lisaun ne'ebé aprende hosi pasadu. Projetu kooperaun tékniku sira-ne'ebé seidaun hotu sei kontribui ba DWCP daruak no serve nu'udar enkuadramentu atu apoia Governu Timor-Leste hodi realiza nia planu ba desenvolvimentu estratéjiku nasional PDE 2011-2030.

ILO konsidera katak diálogu sosiál tripartidu efetivu entre instituisaun Governu sira, organizaun empregadór no traballadór sira-nian nu'udar dalan efisiente liu hotu hodi realiza objetivu Traballu Desente nian. Nune'e, objetivu prinsipál hosi dokumentu ida-ne'e mak atu halo akordu ba enkuadramentu kona-ba oinsá atu avansa ajenda traballu desente iha Timor-Leste iha parseiru tripartidu sira, no atu uza enkuadramentu ne'e nu'udar instrumentu ba planeamentu, monitorizasaun no komunikaun durante tinan lima oinmai nia laran ho kolaboraun tomak no atu fó dalan ba parseiru hotu atu sai na'in.

Rezultadu no susesu hosi Timor-Leste DWCP 2016-2020 sei kontribui ba efeito relevante hosi ILO nia Planu Estratéjiku no Programa & Orsamentu.

ILO Planu Estratéjiku Tranzisionál no Programa no Orsamentu ba 2016-2017

Organizasaun Internasionál ba Traballu nia Planu Estratéjiku Tranzisionál no Programa no Orsamentu (TSP no P&O) mak hatuur-hakerek objetivu estratéjiku no efeitu antisipada ba Organizasaun nia serbisu. P&O ne'e mak ligadu ho Política Estratéjiku Tranzisionál no prioridade sira ne'ebé identifika hosi nia konstituente sira liuhosi Programa Nasionál ba Traballu Desente no dékada ka ajenda traballu desente, desizaun hosi Orgaun Ezekutivu no Konferénsia Internasionál ba Traballu, no forum tripartidu sira-seluk hanesan reuniaun rejionál no reuniaun peritu sira-nian. Planu Estratéjiku tuirmi (2018-2021) sei aliñadu ho ONU nia Siklu Planeamentu.

Timor-Leste DWCP 2016-2020 sei kontribui ba Efeitu Política tuirmai ne'e hosi TSP no P&O 2016-2017:

Efeitu 1: Empregu barak no di'ak liután ba kresimentu inkluzivu no oportunidade di'ak liután ba empregu joventude nian

- **Indikadór 1.1:** Dezenvolve, halo revizaun, implementa ka monitoriza ona enkuadramentu empregu abranjente.
- **Indikadór 1.4:** Programa dezenvolvimentu no kapasitasaun institusionál iha política industriál, setorál, komérsiu, kapasidade, infraestrutura, investimentu ka ambientál ba empregu kualidade di'ak barak liu no produtivu liután.

Efeitu 3: Kriasaun no extensaun ba nivel protesaun sosiál mínimu

- **Indikadór 3.1:** Melloramentu ba política protesaun sosiál no estratéjia finansiamentu, governasaun ba rejime protesaun sosiál ka koordinasaun ba protesaun sosiál.

Efeitu 4: Promosaun empreza sustentavel nian

- **Indikadór 4.1:** Ambiente kondusivel ba empreza sustentavel mak hadi'ak tiha ona liuhosi reforma política, legál, institusionál ka regulatóriu.

- **Indikadór 4.3:** Intermediáriu públiku no privadu dezeña no implementa ona programa emperezariál eskalavel ho objetivu atu kria rendimentu no empregu ho foku ba joven no feto sira.

Efeito 7: Promosaun ba kumprimentu iha serbisu-fatin liuhosi inspesaun traballu

- **Indikadór 7.2:** Estadu Membru sira hasa'e ona sira-nia kapasidade institusionál ka haforte ona kolaborasaun ho parseiru sosiál no instituisaun no parseiru sira-seluk atu hadi'ak kumprimentu iha serbisu-fatin.

Efeito 8: Protesaun ba traballadór sira hasoru forma traballu la aseitavel.

- **Indikadór 8.1:** Estadu Membru iha lei, polítika ka estratéjia atu proteje traballadór sira, liuliu sira-ne'ebé vulneravel liu hotu, hasoru forma traballu la aseitavel, aliñadu ho padraun traballu internasionál no liuhosi diálogu tripartidu.

Efeito 10: Organizasaun empregadór no traballadór sira-ne'ebé forte no representativu.

- **Indikadór 10.1:** Organizasaun sira halo mudansa ho susesu ba sira-nia estrutura organizasionál ka governasaun ka prátika jestaun hodi hasa'e kapasidade lideransa, efetividade, relevánsia no representatividade.
- **Indikadór 10.4:** Organizasaun traballadór nasional sira ne'ebé aumenta sira-nia forsa organizasionál iha nivel nasional no rejional.

3. DWCP Timor-Leste 2016-2020: Prioridade no Efeito sira

Prioridade no efeito ne'ebé konkorda ona ba Programa Nasionál ba Traballu Desente iha Timor-Leste 2016-2020 mak hanesan tuirmai ne'e:

DWCP Prioridade 1: Promosaun Empregu no Protesaun Sosiál	
Efeito 1.1	Formulasau no advokasia di'ak liután kona-ba política atu apoia empregu no formasaun ba joventude iha rai-laran
Efeito 1.2	Asesu di'ak liután ba servisu empregu no oportunidade ba rendimentu
Efeito 1.3	Sistema Protesaun Sosiál Nasionál iha Timor-Leste haforte ona
DWCP Prioridade 2: Dezenvolvimentu Sosio-Ekonómiku Rurál	
Efeito 2.1	Programa infraestrutura rurál bazeia-ba-traballu ne'ebé efetivu liután hodi kontribui ba dezenvolvimentu sosio-ekonómiku
Efeito 2.2	Servisu barak no di'ak liután atu hadi'ak empresa mikro no ki'ik iha área rurál
DWCP Prioridade 3: Instituisaun ba Boa-Governasaun iha Merkadu Traballu	
Efeito 3.1	Kapasidade institusionál di'ak liután ba administrasaun traballu hodi hadi'ak kondisaun traballu no relasaun industriál sira
Efeito 3.2	Kapasidade profisionál no tékniku forte liután ba parseiru sosiál sira
Efeito 3.3	Konstituente tripartidu engaja an efetivamente liután iha diálogu sosiál atu aplika regulamentu traballu no padraun traballu internasionál.

Promosaun igualdade jéneru, tripartizmu, diálogu sosiál no kapasitasaun institusionál mak integradu iha prioridade DWCP sira-hotu. Partisipasaun konstituente tripartidu sira-nian liuhosi diálogu sosiál sei enkoraja iha faze implementasaun hotu hotu iha programa no projetu sira ne'ebé hatuur hela iha DWCP nia laran.

DWCP Prioridade 1: Promosaun Empregu no Protesaun Sosiál

Empregu no protesauñ sosiál nu'udar dalan krítiku rua hodi realiza kresimentu pro-kiak.

Empregu produtivu no traballu desente nu'udar dalan prinsipál atu bele sa'e hosi moris-mukit. Merkadu traballu ho funksionamentu di'ak no ambiente kondusivel ba emprezáriu lokál sira sai esensiál atu aumenta oportunidade empregu ba ema ki'ik sira. Polítika sira ne'ebé rekoñese no hadi'ak kondisaun sira iha ekonomia informal, iha-ne'ebé maioria feto no mane sira manán sira-nia moris, hela krítiku ba redusaun pobreza. Atu aumenta empregabilidade ba ema kiak, liuliu feto no joventude sira, sei loke dalan ba sira-nia potenciál atu kontribui ba kresimentu.

Feto sira-nia partisipasaun menus liu iha forsa traballu no joven sira-nia difikuldade atu tama ba merkadu traballu mak frakeza rua boot. Vizaun no objetivu Planu Dezenvolvimentu Estratéjiku (PDE) nian sei labele realiza anaunserke asuntu hirak-ne'e hetan resposta ho susesu. Sosiedade inkluzivu bele realiza de'it se karik feto no mane sira bele kontribui hanesan de'it. Joventude sira representa futuru nune'e sira tenke hetan oportunidade no biban atu sai partisipante ativu iha dezenvolvimentu ekonómiku no sosiál liuhosi empregu. Dezenvolvimentu ekonómiku dinámiku no buras ho empregu sai nesesáriu atu aumenta possibilidade ba feto no joven sira atu hetan asesu ba empregu produtivu. Hamutuk ho edukasaun, formasaun tékniku no profisionál sai esensiál atu aumenta empregabilidade no produtividade ba forsa traballu Timor-oan sira. Presiza mós intervensaun direcionada hodi hatán ba limitasaun espesífiku ne'ebé grupu sira-ne'e hasoru.

Atu hamenus pobreza no operacionaliza kresimentu pro-kiak, protesauñ sosiál sai sorin seluk iha estratéjia ne'e. Protesauñ sosiál bele kontribui diretamente ba objetivu ida-ne'e tanba bele estimula feto no mane kiak sira-nia partisipasaun iha kresimentu ekonómiku, proteje ema kiak no vulneravel liu hotu iha resesaun ekonómiku, no bele aumenta koezaun no estabilidade sosiál. Nia sei tulun atu harii kapitál umanu, jere risku, promove investimentu

no atividade empresariál no hasa'e nivel partisipasaun iha merkadu traballu. Programa protesauñ sosaíal sira bele baratu, inklui ba rain kiak liu hotu, no reprezenta valór di'ak ba investimentu.

Efeito 1.1 Formulasaun no advokasia di'ak liután kona-ba polítika atu apoia empregu no formasaun ba joventude sira iha rai-laran

Sekretariadu Estadu ba Polítika Formasaun Profisionál ba Empregu (SEPFOPE) nu'udar parseiru governu xave ba ILO iha ILO in Timor-Leste. SEPFOPE iha responsabilidade ba formasaun no atu artikula polítika no programa empregu nasional sira. Nia iha mandatu atu tau-matan ba polítika empregu no traballu sira iha parseria ho organizasaun traballadór no empregadór sira. ILO sei fornese konsellu polítika no asisténsia téknika ba SEPFOPE ho objetivu atu halo integrasaun empregu nian iha polítika no programa governu nian.

Défiase kapasidade sira-ne'ebé limita polítika traballu no empregu bazeia-ba-evidénsia mak área xave ida-ne'ebé presiza atensaun. Ligasaun entre análize no formulasaun polítika nian presiza atu haforte hodi asegura katak iha formasaun kapasidade ne'ebé dudu hosi eziyénsia indústriá nian iha rain ne'e. Instrumentu polítika no lejizlativu mak falta ka la ezejuta hodi promove empregu inkluzivu liuhosi planeamentu prudente industriál no setoral. Ho relasaun ba ida-ne'e, asaun sira iha futuru tenke foka ba kriaun mekanizmu sira ne'ebé sei fó dalan ba abordajen bazeia-ba-evidénsia ba elaborasaun polítika ekonómika. Ida-ne'e sei nesesita kapasitasaun iha departamentu relevante sira hodi hala'o análize no integra rezultadu sira iha polítika no programa governu nian.

Halo tuir DWCP 2016-2020 ne'e, ILO sei fornese asisténsia téknika ba SEPFOPE hodi hala'o peskiza no análize merkadu traballu, no uza evidénsia ne'e iha dezentovimentu polítika no programa, inklui programa sira ba formasaun vokasional. Abordajen bazeia-ba-evidénsia ba dezentovimentu polítika hela krítiku ba SEPFOPE atu halo parte ativu liután iha formulasaun polítika no advokasia ba fundus públiku hodi apoia empregu no formasaun iha rain nia laran.

Atu bele másimiza impaktu empregu hosi rain ne'e nia esforsu ba dezenvolvimentu, ILO sei fornese assisténsia téknika ba dezenvolvimentu Estratéjia Empregu Nasionál (EEN) 2016-2030. EEN ne'e sei utiliza nu'udar enkuadramentu no matadalan hodi haforte foku ba empregu iha espetru polítika tomak, inklui foku partikulár ba joventude no feto sira.

Implementasaun ba Planu Edukasaun Tékniku no Profisionál no Treinamentu abranjente ba períodu 2011-2030 tenke sai objetivu estratéjiku prinsipál ba EEN ne'e. Hanesan mós, utilizaun teknolojia intensivu traballu iha konstrusaun no manutensaun estrada no tipu infraestrutura seluk tan tenke promove liuhosi EEN tanba sira sei iha potenciál atu kria númeru empregu no oportunidade ba rendimentu ne'ebé presiza tebes. Dezenvolvimentu no implementasaun ba EEN sei nune'e kontribui ba no haforte intervensaun sira ne'ebé planeadu tuir área prioridade daruak iha DWCP, dezenvolvimentu sosio-ekonómiku rurál, inklui dezenvolvimentu ba atividade emperezariál no infraestrutura rurál bazeia-ba-traballu.

Indikadór	Alvu
Númeru estudu analítiku kona-ba situasaun empregu joventude nian ho dezafiu espesífiku ba jéneru iha Timor-Leste hala'o ona	To'o 2016, pelumenus estudu analítiku 2 publika ona no konferénsia nasional 1 kona-ba empregu hala'o ona
Ezbosu ba Estratéjia Empregu Nasionál 2016-2030 aprova tiha ona	To'o 2017, Estratéjia Empregu Nasionál 2016-2030 aprova ona no planu asaun dezenvolve tiha ona
Levantamentu Forsa Traballu hala'o ona iha 2018 - 2019 ho apoiu tékniku hosi ILO	To'o 2020, dadus empregu nasional konfiavel ne'ebé dezagregadu tuir seksu disponivel ba dezenvolvimentu no monitorizasaun política no programa sira-nian

Efeito 1.2 Asesu di'ak liután ba servisu empregu no oportunidade ba rendimentu⁸

Agora daudaun, servisu apoiu barak mak konsentrada iha área urbana selesionada balu de'it hanesan Dili no Baucau. Kresimentu ekonomia iha futuru no oinsá nia tradusaun sai kriaunsaun empregu sei depende ba nivel servisu empregu, infraestrutura, no asesu ba komunikasaun iha munisípiu subdezenvolvidu iha rain ne'e. Sentru matadalan ba karreira no empregu (CEOPs) ne'ebé estabesele tiha ona presiza haforte hodi habelar asisténsia ne'ebé fó ba kliente barak liután.

Funsaun CEOPs nian presiza haforte hodi halo parte facilitadora liután. Atu presta servisu empregu di'ak liután ba kliente sira iha munisípiu, CEOP sira presiza haluan sira-nia rede ba referál, inklui atu buka oportunidade ho negósio sira ba formasaun iha-serbisu-fatin, aprendizajen no estájju sira.

ILO sei presta asisténsia téknika hodi haforte kapasidade CEOP sira-nian no fornese ligasaun ho prestador servisu desenvolvimento emprezariál (BDS) ba kapasidade auto-emplegu kliente nian.

Indikadór	Alvu
Númeru asesór kualifikadu disponível iha Sentru Empregu no Orientasaun Profisionál (CEOPs) hodi fornese matadalan kona-ba karreira no kolokasaun iha empregu	To'o 2020, 13 CEOP sira-hotu iha rai-laran iha ona pelumenus asesór mestre kualifikadu atu lidera CEOP ho rede ba referál luan no tipu servisu oioin atu oferese (pelumenus 30% hosi asesór kualifikadu mak feto)
Ligasaun entre formasaun no empregu liuhosi matadalan karreira no akonsellamentu estabesele tiha ona	To'o 2020, akordu parseria entre CEOP no Servisu Desenvolvimento Emprezariál (BDS) estabesele ona no pelumenus 20% hosi kliente CEOP (30% feto) simu ona formasaun nomós/ka servisu hosi BDS.

8 Referénsia ba projetu "Oportunidade ba Komérsiu no Servisu Apoiu (BOSS)" financiada liuhosi Irish Aid no Nova Zelândia.

Efeito 1.3 Timor-Leste nia Sistema Protesaun Sosiál Nasionál Haforte ona⁹

Governu konsidera transferénsia sosiál nu'udar fasilitadór importante ba pás no koezaun sosiál. Halo tuir enkuadramentu ba Kooperasaun Súl-Súl, ho objetivu atu fornese resposta inovadora ba dezafiu globál hosi nesesidade no polítika dezvoltamentu iha rain parseiru sira, ILO apoia ona Grupu Traballu Inter-ministeriál dezinadu liuhosi Ministériu Solidaridade Sosiál (MSS) atu kontribui ba estabesimentu sistema seguransa sosiál nian iha Timor-Leste.

Seguransa sosiál no asisténsia sosiál mak estabesele ona nu'udar direitu sira tuir Artigu 56 his Konstituisaun RDTL no protesaun sosiál sai nu'udar prioridade ida tuir Planu Dezenvolvimentu Estratéjiku ba Timor-Leste 2011-2030.

Maski iha ona progresu, númeru programa asisténsia sosiál sira iha Timor-Leste la representa kobertura adekuaadu. Lakuna iha kobertura mak boot nafatin no rain ne'e ladauk iha abordajen integradu no koerente ba protesaun sosiál, ne'ebé mak reflete iha auzénsia enkuadramentu estratéjiku ka polítika nian iha área ida-ne'e. Iha kontestu ne'e, MSS prevee ona definisaun ba Estratéjia Protesaun Sosiál Nasionál, bazeia ba avaliasaun kona-ba servisu hirak-ne'ebé disponivel daudaun no padraun vulnerabilidade nian iha rai-laran no bazeia mak ba prosesu diálogu ne'ebé tenke envolve parte-interesada relevante hotu.

ILO sei apoia dezvoltamentu ba Polítika Protesaun Sosiál Nasionál, bazeia ba Diálogu Nasionál Bazeia-ba-Avaliasaun (DNBA). DNBA ne'e sei avalia dispozisaun ezistente ba promosaun protesaun sosiál nian, identifika lakuna no dezafiu sira, fornese rekomendasaun no halo estimativa ba sira-nia kustu, atu bele harii sistema protesaun sosiál nasionál abranjente, koerente no inkluzivu liután. Prosesu ne'e sei hala'o ho lideransa hosi MSS, iha kolaborasaun ho ILO no ekipa nasionál ONU nian.

9 Referénsia ba projetu "Fortalesimentu ba Sistema Protesaun Sosiál iha PALOP no Timor-Leste" (ACTION /Portugál) finansiada liuhosi Portugál.

ILO ne'e sei mós presta servisu asesoria téknika atu lansa Rejime Seguransa Sosiál ba traballadór sira iha setór privadu.

Indikadór	Alvu
Rejime pensaun ba traballadór setór privadu dezenvolve ona	To'o 2017, regulamentu aprovalu liuhosi Konsellu Ministru no hatama ona ba Parlamentu Nasionál, kuadru institusionál iha ona, no sistema lansa ona
Diálogu Nasionál Bazeia-ba-Avaliasaun aliñadu ho prinsípiu fundamentál naun-diskriminasaun no igualdade jéneru mak hala'o ona	Avaliasaun vulnerabilidade, análize lakuna, kalkulasaun kustu ba opsaun política sei hakotu ona ba Diálogu Nasionál Bazeia-ba-Avaliasaun iha 2017
Estratéjia Protesaun Sosiál aliñadu ho padraun traballu internasionál no igualdade jéneru dezenvolve ona	To'o 2018, Estratéjia Protesaun Sosiál nasionál hatama ona ba Konsellu Ministru

DWCP Prioridade 2: Dezenvolvimentu Sosio-Ekonómiku Rurál

Dezenvolvimentu rurál nu'udar prioridade ne'ebé artikula ona halodidi'ak iha UNDAF 2015-2019, ne'ebé rekoñese ona kriaun empregu lokál nu'udar dalan di'ak liu hotu hodi hadi'ak moris no ekonomia ba ema sira ne'ebé hela iha área rurál sira no katak asesu sai nesesáriu ba setór agrikulturál forte ne'ebé sei prezisa hodi hamenus kiak, fornese seguransa alimentár no promove kresimentu ekonómiku iha área rurál no Timor-Leste nasaun tomak.

Falta empregu ka oportunidade moris alternativu, hamutuk ho subempregu, hela nafatin kauza-abut prinsipál ba pobreza no vulnerabilidade iha rai-laran tomak. Porsentu limanulu-resin-lima hosi maundobra sei depende ba empregu vulneravel¹⁰ (maioria hosi traballadór vulneravel mak feto iha 70% kompara ho mane sira iha 48%), no jeralmente atividade agrikultura subsisténsia. Setór agrikultura mak karakterizada liuhosi produtividade menus tebes, ne'ebé mosu iha parte tanba prátika tradisionál (ho utilizaun entrada uitoan de'it) no hosi kultura dependénsia ba subsidiu hosi governu no merkadu artifisiál sira. Eskasés traballu nian iha área rurál sira (tanba joven feto no mane barak bá ona Dili atu buka oportunidade serbisu), kapasidade servisu estensionista ne'ebé menus, sistema irigasaun no teknolojia pós-kolleita inadeguadu, asesu limitadu ba merkadu sira tanba estrada ladi'ak no kapasidade limitadu setór privadu nian atu identifika oportunidade komérsiu mak hasusar situasaun ba agrikultór sira iha área rurál sira. Inserteza ho relasaun ba título direitu ba rai sei impede investimentu hosi setór privadu ne'ebé iha importánsia krusiál ba agronegósiu poténsiál sira-nia dezenvolvimentu.

Nesidade kontínuozu ba infraestrutura bázika mak maka'as no kria difikuldade atu hetan asesu ba merkadu, ne'ebé halo família barak atu falta rendimentu previzível. Levantamentu ne'ebé hala'o ona nu'udar preparasaun ba Planu Mestre & Estratéjia Investimentu ba Estrada Rurál (RRMPIS) hatudu ona katak iha 2014 mesak porsentu 13 hosi estrada rurál mak iha kondisaun di'ak. Atu harii ekonomia moderna no produtiva no atu aseguara asesu di'ak

¹⁰ Levantamentu Forsa Traballu 2013.

liután ba servisu sira, infraestrutura sentrál produtivu no estratêjiku sai krítiku ba Timor-Leste.

Efeito 2.1 Programa efetivu liután ba Infraestrutura Rural bazeia-ba-traballu ba dezvoltimentu sosio-ekonómiku¹¹

Iha área rural sira, ILO sei aumenta nia apoiu ba kriação empregu ligadu ho konstrução estrada rural sira-nian, liuhosi dezvoltimentu kapasidade kontinua ba setór públiku no privadu atu planifika no ezejuta obras estrada rural no aplikasaun ba método bazeia-ba-traballu no apoiadu-hosi-ekipamentu ne'ebé, hamutuk ho asesu di'ak liután, sei hamosu oportunidade barak liután ba empregu kurtu-prazu. Serbisu ne'e sei hala'o hela iha laran enkuadramentu Planu Mestre & Estratêjia Investimentu ba Estrada Rural (RRMPIS) ne'ebé iha espetativa atu hetan endosu ofisial liuhosi Governu Timor-Leste iha 2016.

ILO sei apoia armonizasaun ba sistema planeamentu, dezeńu no aprovisionamentu ba infraestrutura rural no enkoraja kompromisu atu uza sistema hirak-ne'e. ILO sei mós tulun atu asegura katak departamentu Governu relevante atu dezvoltolve kapasidade no rekursu adekuaadu iha nivel nasional no sub-nasional ba konstrução no manutensaun infraestrutura ne'ebé harii ho maneira amigavel ba ambiente no resiliente hasoru mudansa klimatika, no ne'ebé kumpre tuir rekizitu nasional ba lisensiamentu ambiental nomós informadu liuhosi perfil perigu ka vulnerabilidade sira.

Kapasitasaun iha Ministériu Obras Públicas, Transporte no Komunikaun (MPOPTK), liuliu ho relasaun ba planeamentu, orsamentasaun no prestasaun efetivu ba obras estrada rural, sei komplementa ho expansaun ba formasaun kontratór obras sivil lokal no fortalecimento ba sistema kualifikasaun kontratór nian. Iha parte seluk formasaun ba kontratór sira-ne'e mak antisipada atu fornese kapasidade ne'ebé presiza atu reabilita, hadi'a no mantén estrada no infraestrutura seluk tan. Fortalecimento kapasidade prestadór formasaun nian sei aumenta tan sustentabilidade ba iniciativa kapasitasaun. Atividade hirak hotu ne'e sei implementa iha laran enkuadramentu RRMPIS ne'ebé identifica

11 Referénsia ba projetu "Programa Estrada ba Dezenvolvimentu (R4D)" finansiada liuhosi Governu Austrália Departamentu Negósiu Estranjeiru no Komérsiu.

iha Programu Governu VI no ne'ebé mak antispada atu hetan endosu liuhosi Governu Timor-Leste iha 2016. RRMPIS inklui rekomendasaun institusionál oioin ne'ebé iha objetivu ba hasa'e kapasidade iha setór públiku no privadu sira.

Indikadór	Alvu
Planu Mestre ba Estrada Rural (RRMP) uza ona liuhosi Governu	100% hosi Governu nia planu asaun ba estrada rural mak aliñadu ho RRMP
Númeru sistema no prosedimentu atu jere investimentu ba infraestrutura rural dezenvolve no uza ona liuhosi Governu	To'o 2017, pelumenus sistema no prosedimentu 5 disponivel no uza hela
Númeru kontratór ne'ebé hetan Sertifikadu nasional ba Obras Estrada Bazeia-ba-Traballu/ Sertifikadu Nasionál ba Jestaun Proposta no Kontratu Konstrusaun Ki'ik no elejivel ona atu partisipa iha konkursu públiku ba konstrusaun estrada rural hosi Governu	Kontratór na'in 200 hetan ona Sertifikadu Nasionál ba Obras Estrada Bazeia-ba-Traballu/ Sertifikadu Nasionál ba Jestaun Proposta no Kontratu Konstrusaun Ki'ik (pelumenus 30% feto) no pelumenus 75% hosi kontratór sira partisipa ona iha konkursu públiku hosi Governu
Estrada rural sira reabilita ona no hetan manutensaun regulár, uza Teknolojia bazeada ba Traballu iha ne'ebé apropiadu	Estrada 450 km reabilita ona, estrada 750 km mantén hela no umakain rural 25.000 hetan benefísiu hosi asesu di'ak liután no loraon-serbisu millaun 3 kria ona (30% ne'ebé mak halo liuhosi feto)

Efeito 2.2 Servisu barak no di'ak liután atu hadi'ak negósiu mikro no ki'ik iha área rural sira¹²

ILO kontribui ba kriaun empregu rural no jersaun rendimentu liuhosi dezenvolvimentu sistema merkadu pro-kiak, hodi asegura katak empreza mikro no ki'ik sira iha área rural iha ona asesu di'ak liután ba merkadu, servisu dezenvolvimentu emperezial, teknolojia no finansiamentu. Setór

12 Referénsia ba projetu "Oportunidade ba Komérsiu no Servisu Apoiu (BOSS)" financiada liuhosi Irish Aid no Nova Zelândia.

alvu sira ba Planu Dezenvolvimentu, nomeiadamente agrikultura no turizmu. Espesifikamente, ILO sei identifika no apoia kompañia lidera no prestadór servisu sira atu tulun benefisiáriu último sira hanesan agrikultór ka na'in ba pensaun atu asegura katak apoio kontinua liutiha asisténsia ILO nian. Parseiru nasional prinsipál ba komponente dezenvolvimentu sistema merkadu mak Institutu ba Apoio Dezenvolvimentu Empreziál (IADE) no nia Sentru Dezenvolvimentu Empreziál (BDC) sira, ne'ebé sei hetan tulun atu habelar sira-nia portfóliu BDS no aumenta sira-nia kobertura iha área rurál sira. ILO sei mós serbisu besik-malu ho Ministériu relevante ho alvu ba sub-setór espesífiku.

ILO sei mós tulun atu halo avaliasaun kona-ba ambiente kondusivel ba empreza sustentavel sira. Estabelesimentu ambiente kondusivel loos nian mak iha importánsia xave tanba iha valór limitadu de'it iha promosaun servisu dezenvolvimentu empreziál ba kriaaun empregu barak no di'ak liután iha ambiente ne'ebé ostil ba sira. Avaliasaun kona-ba ambiente kondusivel ba empreza sustentavel mak atu fornese baze evidénsia ba reforma política sira hodi halo ambiente kondusivel liután ba promosaun empreza no empregu sustentavel iha Timor-Leste.

Indikadór	Alvu
Servisu dezenvolvimentu empreziál oioin orientada ba merkadu ba empreza mikro no ki'ik sira iha área rurál mak oferese ona liuhosi IADE no prestadór servisu sira-seluk	To'o 2016, pelumenus servisu dezenvolvimentu empreziál orientada ba merkadu 8 no servisu espesífiku ba setór 2 mak presta hela tiha
Númeru Empreza Mikro no Ki'ik ne'ebé simu servisu hosi IADE atu hadi'ak produtividade no hetan asesu ba merkadu foun	To'o 2020, empreza mikro no ki'ik 3000 simu ona servisu hosi IADE (30% nu'udar empreza ho jestór fetu)
Kliente nia nivel satisfasaun ho servisu dezenvolvimentu empreziál ne'ebé simu	75 % hosi kliente satisfeita ona
Avaliasaun kona-ba Ambiente Kondusivel ba Empreza Sustentavel (EESE) halo ona	To'o 2017, relatóriu EESE fahe ona liuhosi diálogu públiku/privadu

DWCP Prioridade 3: Instituisaun Boa-Governasaun ba Merkadu Traballu

Estabelesimentu no melloramentu ba governasaun merkadu traballu inklui gama polítika no regulamentu traballu metin ne'ebé ho aspektu oioin hosi leizlasaun traballu hanesan leizlasaun protesaun empregu ka lei kona-ba vensimentu (kolen/saláriu), sai nu'udar elementu xave ida atu mantén estabilidade ekonómiku no sosiál iha rain pós-krize sira hanesan Timor-Leste. Prioridade ida-ne'e sei inklui rejime regulatóriu no nia ezekusaun, no prátika relasaun industriál inklui disputa traballu, nune'e fortalese administrasaun traballu no SEPFOPE. Promosaun ba organizasaun traballadór no empregadór, negosiasaun kolektiva, tripartizmu no diálogu sosiál mós sai prioridade hodi realiza instituisaun boa-governasaun ba merkadu traballu.

Efeito 3.1 Kapasidade di'ak liután hosi administrasaun traballu atu hadi'ak kondisaun traballu

Dezenvolvimentu polítika no apoiu ba instituisaun ezekusaun lei Timor-Leste nian rekere atensaun liuliu iha formulaun no aprovasaun ba regulamentu no matadalan sira hodi proteje traballadór sira-nia direitu.

Iha 2010, governu Timor-Leste estabese Inspetór-Jerál ba Traballu (IJT) halo tuir lei hodi asegura kumprimentu ba padraun kondisaun traballu, prevensaun ba perigu okupasionál, protesaun ba empregu no dezempregu no empregu ba estranjeiru sira. Maski nune'e, kapasidade LGI nian sei limitadu tebes, tanba nia la hetan apoiu hosi governu nia implementasaun ba regulamentu, matadalan, no padraun sira iha área relasaun traballu.

Iha 2012, Kódigu Traballu Repúblika Demokrátika Timor-Leste mak aprova tiha liuhosi Parlamentu Nasionál. Hosi momentu ne'ebá, relasaun traballu sira iha rain ne'e mak ukun hela liuhosi Kódigu ida-ne'e. Atu fasilita kumprimentu loloos tuir Kódigu Traballu, presiza leizlasaun komplementár nia estabelesimentu. Liután, tenke harii sistema atu estabese saláriu mínimu.

Hodi hatán ba interese ne'ebé espresa liuhosi Governu Timor-Leste, ILO sei kontinua nia asisténsia téknika hodi halakon traballu infantíl liuhosi realizasaun levantamentu iha nasaun tomak nia laran kona-ba traballu infantíl no traballu forsadu no atu apoia dezvoltamentu ba planu asaun nasional hodi kombat traballu infantíl no traballu forsadu. Asaun hirak-ne'e sei, iha tempu hanesan, halo esforsu atu implementa Konvensaun Nú. 29 kona-ba traballu forsadu no Nú. 182 kona-ba traballu infantíl ne'ebé Timor-Leste ratifika ona, no hatán ba komentáriu balu ne'ebé hato'o ba Governu Timor-Leste liuhosi Komité Peritu nian kona-ba Aplikasaun ba Konvensaun no Rekomendasaun sira ho relasaun ba aplikasaun Konvensaun hirak-ne'e (Pedidu Diretu ne'ebé haruka iha 2015 kona-ba Konvensaun Nú. 29 no iha 2016 kona-ba Konvensaun Nú. 182).

Indikadór	Alvu
Númeru dekreto-lei kona-ba relasaun industriál ne'ebé ezbosa no hatama ona ba Konsellu Ministru	To'o 2020, dekreto-lei 5 ezbosa no hatama ona ba Konsellu Ministru
Númeru manual/matadalan ne'ebé estabesele ona ba Administrasaun Traballu atu presta servisu efektivu hodi hadi'ak kondisaun serbisu	To'o 2020, manuál/matadalan 2 prepara tiha ona
Númeru programa formasaun ne'ebé hala'o ona ba inspetór traballu sira	To'o 2020, programa formasaun 5 halo ona
Númeru peskiza/estudu analítiku/ formasaun hala'o ona kona-ba mekanizmu estabesele saláriu mínimu	To'o 2020, pelumenus peskiza/ estudu analítiku/ formasaun 3 hala'o tiha ona
Levantamentu nasional kona-ba traballu infantíl no traballu forsadu halo ona liuhosi Governu nu'udar dezvoltamentu ba medida sira hodi prevene no kombat traballu infantíl no traballu forsadu	To'o 2017, dados nasional kona-ba traballu infantíl no traballu forsadu mak disponivel no uza ona nu'udar baze ba advokasia política no dezvoltamentu ba Planu Asaun Nasionál (PAN)

Efeito 3.2 Kapasidade institusionál di'ak liután iha organizasaun empregadór no traballadór sira-nian

a) Representatividade, kapasidade organizasionál no analítiku di'ak liután ba organizasaun empregadór sira-nian hodi halo influénsia ba prosesu elabora polítika no diálogo sosiál

Kámara Komérsiu no Indústriia Timor-Leste (CCI-TL) sei buka atu sai parseiru estratéjiku ba kresimentu ekonómiku hosi governu nomós lian ba emprezáriu sira iha Timor-Leste. Nia sei mós buka atu presta servisu individualizadu atu tulun empreza sira iha setór privadu. Nune'e sai krítiku katak Kámara ne'e iha partisipasaun luan hosi membru barak liu, governasaun forte no estratéjia efetivu ne'ebé refleto nesesidade iha setór privadu atu realiza objetivu sira iha leten.

Nu'udar organizasaun joven liu ne'ebé iha kapasidade fraku nafatin, mentor 'uma-laran' ida atu fornese matadalan bele útil tebes, hanesan fornese daudauk ne'e liuhosi voluntáriu ida hosi Nova Zelândia.

Ho relasaun ba estratéjia sira, sai importante katak CCI-TL halo planu estratéjiku ba nia orientasaun no atu hadi'ak nia governasaun no jestaun. Importante mós katak membru 22 hosi Konsellu Prezidensiál inklui Prezidente munisípiu sira serbisu hamutuk hodi realiza objetivu estratéjiku sira.

Nu'udar organizasaun úniku iha setór privadu ne'ebé representa interese no lian hosi setór privadu, sai krusiál katak CCI-TL bele halo influénsia ba desizaun polítika nasionál . Importante atu harii no hasa'e kapasidade advokasia CCI-TL nian atu bele analiza no dezenvolve pozisaun polítika bazeia-ba-evidénsia no komunika efetivamente ho parte-interesada no makaer polítika sira-hotu.

Liután, importante mós katak Kámara ne'e bele hamosu rendimentu natoon atu sustenta nia operasaun sira. Expansaun no introdusaun servisu foun mak inisiativa balu ne'ebé CCI-TL tenke implementa.

Indikadór	Alvu
CCI-TL nia planu estratéjiku atu hadi'ak governasaun no jestaun ba organizasaun ne'e dezenvolve tiha ona	To'o 2016, Planu Estratéjiku foun endosa ona liuhosi Konsellu Prezidensiál ba implementasaun imediatu
Númeru enkuadramentu/ dokumentu pozisaun política bazeia-ba-evidénsia ne'ebé prodús ona liuhosi CCI-TL ba Governu nia konsiderasaun	To'o 2017, pelumenus submisaun kompreensivu 1 ba konsiderasaun política mak hatama liuhosi CCI-TL ba Governu
Númeru produktu no servisu foun ne'ebé lansa liuhosi CCI-TL (ka melloramentu hira ne'ebé halo ba produktu no servisu ezistente)	To'o 2017, pelumenus produktu ka servisu foun 2 mak lansa tiha ona ka pelumenus servisu ezistente 2 mak hadi'ak tiha ona
Aumentu ba persentajen númeru membru CCI-TL nian no aumentu ba rendimentu hodi sustenta nia an	To'o 2018, aumentu ba númeru membru & rendimentu sa'e 10%

b) Kapasidade organizasionál di'ak liután ba organizasaun traballadór independente iha Timor-Leste atu hadi'ak direitu bázik ba traballadór, liberdade asosiasaun no negosiasaun koletivu

Aumentu ba kapasidade sindikatu traballadór independente nian iha Timor-Leste sai kritiku ba promosaun prinsípiu no direitu fundamentál iha serbisu-fatin inklui liberdade asosiasaun no negosiasaun koletiva, tripartizmu no diálogu sosiál iha Timor-Leste. Hosi nia estabesimentu, Konfederasaun Sindikalista Timor-Leste (KSTL) hetan susesu ho kriasaun membru afiliadu hitu, ne'ebé inklui tolu hosi setór privadu, tolu hosi setór públiku no ida hosi setór informal. Aumentu ba númeru membru sira hosi empregue setór formál hanesan maizumenus na'in 52.400 no formasaun ba jerasaun sindikalista joven sira mak asuntu estratéjiku ne'ebé KSTL presiza foka ba iha tinan hirak oinmai nia laran. DWCP ne'e sei apoia KSTL liuhosi fornese série intervensaun kapasitasaun iha área fokadu hanesan lideransa sindikatu nian, Seguransa & Saúde Okupasionál (OSH), negosiasaun koletivu no advokasia ba política.

Indikadór	Alvu
Númeru servisu tékniku foun ka atualizadu ne'ebé KSTL sira fornese ba sira-nia membru uza produktu koñesimentu ILO ka konteúdu hosi formasaun ILO nian	To'o 2020, programa servisu foun 2 estabesele ona
Estrutura organizasionál atu halo influénsia ba polítika nasional no negosiasaun koletivu (programa formasaun dezenvolidu no implementa konjuntu ba nia membru komité ezeutivo no nia membru sira)	Pelumenus mínimu atividade formasaun 1 hala'o hela tiha kada tinan ida

Efeito 3.3 Konstituente tripartidu engaja an efetivamente iha diálogo sosiál atu aplika regulamentu traballu no padraun traballu internasionál

Timor-Leste hakohak ona prinsípiu no direitu fundamentál iha servisu-fatin ho ratifikasaun iha fulan Juñu 2009 ba ILO Konvensaun Nú. 87 kona-ba liberdade asosiasaun no sira-nia direitu atu organiza no ILO Konvensaun Nú. 98 kona-ba direitu atu organiza an no halo negosiasaun koletiva. Komentáriu ne'ebé halo foin lalais ne'e liuhosi Komité Peritu nian kona-ba Aplikasaun Konvensaun no Rekomendasaun (CEACR) kona-ba Konvensaun Nú. 87 (Observasaun iha 2016) reflete dezenvolvimentu pozitivu iha rain ne'e, n.e. liuhosi adosaun ba Lei Greve nian. Maibé, CEACR ne'e mós hatán ba númeru pedidu ne'ebé hato'o diretamente ba Governu ne'ebé ilustra faktu katak instituisaun merkadu traballu sira mak nafatin joven no vulneravel no katak operacionalizasaun ba Konvensaun ratifikada kona-ba Liberdade Asosiasaun no Negosiasaun Koletivu seidauk realiza (Pedidu Diretu kona-ba Konvensaun Nú. 87 no 98 mak haruka ona iha 2016). Ho relasaun ba oinsá atu hadi'ak implementasaun no ezekusaun, iha nesesidade atu asegura katak respeitu ba prinsípiu no direitu fundamentál iha servisu-fatin mak komprende tomak no implementa tiha ona liuhosi parseiru tripartidu sira iha Timor-Leste. Liután, Servisu Inspesaun Traballu halo knaar importante atu asegura kumprimentu efetivu halo tuir lei nasional sira no operacionalizasaun ba Konvensaun fundamentál ne'ebé ratifika ona, la'ós de'it iha área liberdade asosiasaun, maibé mós ho relasaun ba traballu forsadu no traballu infantil.

Parseiru sosiál forte no representativu no diálogu sosiál ativu ho baze-luan mak importante ba relasaun industriál di'ak no hanesan xave ida atu garante no kontribui ba dezvoltimentu sustentavel rain nian.

Diálogu sosiál no negosiasaun koletivu nu'udar meius apropriadu liu hotu hodi regula relasaun empregu nian. Importante atu tau empregu produtivu no traballu desente iha fatin aas iha ajenda dezvoltimentu nian no atu halo integrasaun empregu nian iha política no programa governu nian. Atu kria relasaun serbisu di'ak entre Governu no representativu hosi empregadór no sindikatu industriál ba diálogu sosiál ativu nune'e sai preokupasaun fundamentál ba dezvoltimentu iha rain ne'e hodi hatán ba asuntu empregu.

Halo tuir Kódigu Traballu Timor-Leste – Artigu 100, governu sei apoia kriaaun ba Konsellu Traballu nasonál kompostu hosi representativu tolu hosi Governu, representativu rua hosi organizasaun empregadór nian no representativu rua hosi sindikatu industriál sira atu: promove diálogu sosiál entre parte-interesada sira, fó-sai opiniaun sira kona-ba política no leizlasaun no relasaun traballu; propoin saláriu mínimu nasonál; no hala'o funsaun sira-seluk tan tuir lei haruka.

ILO mak sei enkoraja nia konstituente sira atu haforte diálogu sosiál iha okos DWCP 2016-2020.

Indikadór	Alvu
Númeru semináriu/atividade ne'ebé hala'o ona hodi promove padraun traballu internasionál ho relasaun ba liberdade asosiasaun no negosiasaun koletiva	To'o 2020, hala'o ona semináriu/atividade 2
Númeru deklarasaun ka dokumentu política ne'ebé hatama liuhosi Konsellu Traballu Nasionál	To'o 2020, deklarasaun ka dokumentu política 4 hatama tiha ona
Númeru semináriu/atividade ne'ebé hala'o ona hodi promove diálogu sosiál no relasaun industriál di'ak	To'o 2020, hala'o ona semináriu/atividade 2
Númeru planu asaun atu operacionaliza rezolusaun ho relasaun ba diálogu sosiál no tripartizmu	To'o 2020, planu asaun 1 operacionaliza ona

4. Jestaun no Implementasaun

Nu'udar enkuadramentu ida atu apoia no tulun Governu Timor-Leste atu realiza nia objetivu ba dezenvolvimentu nasionál, implementasaun efektivu ba Programa Nasionál ba Traballu Desente rekere kompromisu metin hosi parseiru implementasaun hotu hotu – nomeiadamente, Gabinete ILO no nia parseiru konstituente sira iha governu, organizasaun traballadór no empregadór sira-nian, nomós mekanizmu efektivu ba kooperasaun, atu harii-konsensu no partisipasaun iha nivel hotu hotu no faze hotu hotu iha prosesu.

Nu'udar enkuadramentu dezenvolvimentu partisipativu, DWCP mak dezeńadu atu govern no nia parseiru sosiál sai simultaneamente nu'udar benefisiáriu no implementadór xave ba intervensaun ne'ebé proposta. Ho relasaun ba ida-ne'e, parte sira-ne'e sei iha espetativa atu partisipa tomak iha implementasaun programa nomós iha monitorizasaun no avaliasaun ba nia dezempeñu durante nia siklu implementasaun tinan lima.

Importante atu rekoñese katak rezultadu ne'ebé ezbosa iha DWCP 2016-2020 reprezenta kompromisu hosi ILO no Governu Timor-Leste, ne'ebé nia realizaun sei presiza mobilizasaun rekursu kolaborativu. Bainhira identifika lakuna sira iha fundus, ILO sei halo esforsu tomak atu mobiliza rekursu internalmente no hosi nia parseiru iha ONU no comunidade dezenvolvimentu luan liu (bilateral no multilateral hotu). Tanba realizaun rezultadu DWCP nian iha Timor-Leste depende maka'as ba finansiamentu hosi parseiru dezenvolvimentu esterna, sai importante katak estratéjia no planu mobilizasaun rekursu no implementasaun tenke dezenvolve keda iha momentu foin hahú.

Implementasaun ba DWCP sei dirije no superviziona liuhosi Komité Diretiva DWCP nian, ne'ebé kompostu hosi Governu, organizasaun empregadór no traballadór sira-nian, no instituisaun relevante sira-seluk. Komité Diretiva ne'e sei iha responsabilidade atu hatán ba asuntu operasionál sira ho relasaun ba implementasaun DWCP, nomós ba monitorizasaun no avaliasaun progresu, no atu hatán ba kualkér nesesidade atu ajusta ka orienta fali nia efektu relasionadu halo tuir mudansa sira ba realidade práttiku ka sirkunstánsia ekonómiku no polítiku.

5. Monitorizasaun, Reportajen no Avaliasaun

Monitorizasaun, reportajen no avaliasaun ba intervensaun ILO nian iha DWCP nia okos nu'udar parte integrál ba Gabinete ILO nia prosesu programasaun internál.

Uza enkuadramentu Jestaun Bazeia ba Rezultadu ne'ebé hatuur-hakerek iha dokumentu ida-nee (liuliu indikadór no alvu ba dezempeñu, no markadór progresu relasionadu), Komité Diretiva ne'e sei halo reuniaun pelumenus dala ida kada tinan atu haree fali progresu no ezbosa dezafiu no rekomendasaun ba implementasaun susesavel kontinuozu. Kualkér mudansa ba efeito prioridade sira sei diskute hamutuk. DWCP 2016-2020 tenke mós fó oportunidade ba ILO no konstituente sira atu sorumutu no diskute asuntu sira kona-ba traballu desente ho maneira tripartidu.

Sede Nasionál ILO nian ba Indonézia no Timor-Leste (CO-Jakarta), hamutuk ho pesoál ILO sira iha Dili, sei iha knaar lideransa iha monitorizasaun periódiku no reportajen kona-ba progresu DWCP nian.

Apoi u tekniku sei fornese liuhosi ILO nia pesoál projetu sira bazeia iha Timor-Leste no Espesialista sira hosi Ekipa Traballu Desente bazeia iha Bangkok nomós unidade tekniku seluk tan ne'ebé relevante iha sede-jerál ILO nian.

6. Risku no Presupostu sira

Nu'udar programa enkuadramentu ne'ebé kobre intervensaun no atividade oioin, abilidade DWCP nian atu jere risku sira ho efetividade sei depende la'ós de'it ba planeamentu enkuadramentu tomak nian, maibé mós ba forsa estratéjia jestaun risku individuál iha nivel projetu no efeitu nian. Maski ida ikus ne'e mak inklui abranjente liután iha dokumentu projetu nian, ida uluk mak bazeia ba área risku rua ne'ebé identifika ona.

(1) Kompromisu polítiku hosi konstituente ILO sira

DWCP rekere apoiu forte hosi konstituente ILO nian. Hafoin dokumentu ne'e endosa tiha ona, nia sai responsabilidade atór sira-ne'e nian atu lidera esforsu (konjuntu) ba konxensializasaun, kapasitasaun, lobbying atu buka apoiu ba programa iha orgaun governu nian laran nomós iha parseiru dezentvolvimentu sira-nia leet. Importante liután, konstituente sira sei mós sai na'in ba programa tomak hamutuk ho ILO, no sei sai responsavel ba nia produitu entregavel sira. Maski ILO sei fornese apoiu tékniku no finanseiru hodi realiza nia objetivu sira, susesu programa nian bele sai posivel de'it ho kompromisu polítiku no asaun práttiku hosi governu, traballadór no empregadór sira.

(2) Mobilizasaun rekursu nian

Fatór risku ka susesu xave seluk mak disponibilidade rekursu no estratéjia mobilizasaun rekursu planeadu didi'ak. ILO nia projetu kooperasaun tékniku kontínuozu sira-hotu iha Timor-Leste sei fó apoiu tomak ba no iha integrasaun iha DWCP 2016-2020. Ida-ne'e signifika katak kontínuasaun projetu kooperasaun tékniku ka aprovasaun ba projetu foun sei halo influénsia maka'as ba nivel alkansamentu ba efeitu no indikadór prioridade sira, liuliu ba prioridade 2 iha-ne'ebé presiza kuantidade rekursu finanseiru no umanu barak. Iha área téknika iha-ne'ebé identifika ona lakuna rekursu nian, ILO no nia parseiru sira sei presiza serbisu hamutuk.

7. Aneksu

Enkuadramentu Rezultadu: DWCP Timor-Leste 2016-2020

Rezultadu	Indikadór no fonte dadas	Presupostu krítiku no risku	Ligasaun ho efektu UNDAF no planu dezinvolvimentu nasional	Ligasaun ho efektu P&O	Ligasaun ho ajenda rejional
CP prioridade 1: Promosaun Emregu no Protesaun Sosiál					
CP efektu 1.1: Formulasan politika di'ak liután no advokásia hodi apoia emregu no formasaun ba joventude iha rai-laran	Indikadór 1.1.1: Númeru estudu analítiku kona-ba situasaun emregu joventude ho dezafu espesífiku ba jéneru iha Timor-Leste ne'ebé hala'o ona Fonte Dadas: relatóriu hosi Estudu sira	Kompromisu polítiku hosi konstituinte ILO nian no mobilizasaun rekursu.	Planu Dezinvolvimentu Estratejiku Timor-Leste 2011-2030 kona-ba Kapital Sosiál: Edukasaun no Formasaun.	Efeito 1: Emregu barak no di'ak liután ba kresimentu inkluzivu no oportunidade di'ak liután ba emregu joventude nian - Indikadór 1.4: Programa dezinvolvimentu no kapasitasaun institusional iha politika industrial, setoral, komersiu, kapasidade, infraestrutur, investimentu ka ambiental ba emregu kualidade di'ak barak liu no produtivu liután.	
	Indikadór 1.1.2: Ebosu Estratejia Emregu Nasional 2016-2030 aprovada Fonte Dadas: Estratejia Nasional ba Emregu 2016-2030		Efeito UNDAF 3: Política no programa ekonómika orientada ba kresimentu inkluzivu, sustentavel no ekutavel no emregu desente.	Efeito 1: Emregu barak no di'ak liután ba kresimentu inkluzivu no oportunidade di'ak liután ba emregu joventude nian - Indikadór 1.1: Estadiu membru sira ne'ebé iha konsultasaun ho parseiru sosiál, dezenvolve, revista, implementa ka monitoriza ona enkuadramentu emregu kompreensivu.	

Rezultadu	Indikadór no fonte dados	Presupostu krítiku no risku	Ligasaun ho efeitu no planu dezinvolvimentu nasionál	Ligasaun ho efeitu P&O	Ligasaun ho ajenda rejonál
CP efeitu 1.2: Asesu d'ak liután ba servisu empregu no oportunidade ba rendimentu	Indikadór 1.1.3: Levantamentu Forsa Traballu hala'o ona iha 2018 - 2019 no apoiu tékniku hosi ILO Fonte Dados: Relatóriu reultadu Levantamentu Forsa Traballu			Efeito A: Advokasia efetivu ba traballu desente - Indikadór A.3: Estadu Membre ne'ebé haforte ona sistema informasaun merkadu traballu no fahe ona informasaun kona-ba tendénsia merkadu traballu nasionál alinadu ho padraun internasionál sira kona-ba estatistika traballu	
	Indikadór 1.2.1: Númeru konselleiru kualifikadu disponivel iha Sentru Empregu no Orientasaun Profisionál (CEOPs) atu fornese orientasaun profisionál, no kolokasaun iha empregu Fonte Dados: Relatóriu Anual SEPFOPE nian			Efeito 1: Empregu barak no d'ak liután ba kresimentu inkluzivu no oportunidade d'ak liután ba empregu joventude nian - Indikadór 1.4: Programa dezinvolvimentu no kapasitasaun institusional iha política industrial, setoral, komersiu, kapasidade, infraestrutur, investimentu ka ambiental ba empregu kualidade d'ak barak liu no produtivu liután	
	Indikadór 1.2.2: Ligasaunhari ona entre formasaun no empregu liuhosi orientasaun profisionál no akonsellamentu Fonte Dados: Levantamentu Empreza SEPFOPE, Akordu parseria entre CEOP no Servisu Dezinvolvimentu Emprezarial (BDS)	Prolongamentu projetu BOOS to'o Dezembru 2016.			

Rezultadu	Indikadór no fonte dadas	Presupostu křitiku no risku	Ligasaun ho efektu UNDAF no planu dezenvolvimentu nasional	Ligasaun ho efektu P&O	Ligasaun ho ajenda regional
CP efektu 1.3: Timor-Leste nia Sistema Nasional ba Protesaun Sosial fortalese tiha ona	Indikadór 1.3.1: Programa pensaun ba traballadór sektor privadu dezenvolve tiha ona Fonte Dadas: Ezbosu hosi regulamentu	Kompromisu politiku hosi konstituente ILO nian sira	Planu Dezenvolvimentu Estratéjiku Timor-Leste 2011-2030 kona-ba Kapital Sosial: Inkluziun Sosiál. Efetu UNDAF 3: Politika no programa ekonómika orientada ba kresimentu inkluzivu, sustentavel no ekuitavel no empregu desente.	Efetu 3: Kriasaun no extensaun ba nivel protesau sosial mínimu - Indikadór 3.1: Melloramentu ba politika protesau sosial no estratéjia finansiamentu, governasaun ba rejime protesau sosial ka koordenasaun ba protesau sosial	
	Indikadór 1.3.2: Diálogo Nasional Bazeia-ba-Avaliasaun halo tiha ona ho integrasaun tomak ba prinsipiu fundamental naun-diskriminasaun no igualdade jéneru Fonte Dadas: relatóriu hosi Diálogo Nasional Bazeia ba Avaliasaun				
	Indikadór 1.3.3: Estratéjia Nasional ba Protesaun Sosial ne'ebé alinadu ho padraun traballu internasional no atu promove igualdade jéneru no naun-diskriminasaun dezenvolve tiha ona Fonte Dadas: Estratéjia Nasional ba Protesaun Sosiál				

Rezultadu	Indikadór no fonte dados	Presupostu krítiku no risku	Ligasaun ho efektu UNDAF no planu dezinvolvimentu nasonál	Ligasaun ho efektu P&O	Ligasaun ho ajenda rejionál
CP prioridade 2: Dezinvolvimentu Sosio-Ekonómiku Rurál					
CP efektu 2.1: Programa infraestrutura rural bazeia-ba-traballu ba dezinvolvimentu sosio-ekonomiku ne'ebé efetivu liután	Indikadór 2.1.1: Planu Mestre ba Estrada Rurál (RRMP) uza hela iha liuhos Governu Fonte Dadas: MPWTC nia planu anuál no orsamentu ba estrada rurál	Kompromisu polítiku no faze foun ba R4D liutha 2016.	Planu Dezinvolvimentu Estratéjiku Timor-Leste 2011-2030 kona-ba Dezinvolvimentu Infraestrutura: Estrada no Ponte. Efeito UNDAF 2: Povu Timor-Leste, liulu ema-kiak iha área rurál no grupu vulneravel sira, hetan benefisiu ekonómiku hosi asesu no utilizasaun di'ak liután ba infraestrutura sustentavel no reziliente.	Efeito 1: Empregu barak no di'ak liután ba kresimentu inkluzivu no oportunidade di'ak liután ba empregu juventude nian - Indikadór 1.4: Programa dezinvolvimentu no kapasitasaun institusional iha política industrial, setoral, komérsiu, kapasidade, infraestrutura, investimentu ka ambiental ba empregu kualidade di'ak barak liu no produtivu liután	
	Indikadór 2.1.2: Númeru sistema no prosedimentu atu jere investimentu iha infraestrutura rurál dezinvolvidu no utilizadu liuhosi Governu Fonte Dadas: Relatóriu Progresu R4D nian				
	Indikadór 2.1.3: Númeru kontrator ne'ebé hetan Sertifikadu Nasionál kona-ba Obras Estrada Bazeia-ba-Traballu/Sertifikadu Nasionál ba Jestaun Proposta no Kontratu Konstrusaun Ki'ik no elijivel ona atu partisipa iha konkursu kontratu estrada rurál Governu nian Fonte Dadas: Rejistu INDMO, Bazedadus Formasaun IADE no Dom Bosco nian sira				

Rezultadu	Indikadór no fonte dadas	Presupostu krítiku no risku	Ligasaun ho efeitu UNDAF no planu dezenvolvimentu nasional	Ligasaun ho efeitu P&O	Ligasaun ho ajenda regional
CP efeitu 2.2: Servisu barak no di'ak liután atu hadi'ak empreza mikro no ki'ik sira iha área rural	Indikadór 2.1.4: Estrada rural re-abilita tiha ona no iha ona manutensaun regulár, uza Teknolojia bazeia-ba-traballu iha ne'ebé apropriadu Fonte Dadas: Relatóriu Anual MPWTC, Relatóriu Progresu R4D	Kompromisu politiku no prolongamentu projetu BOOS to'o Dezembru 2016.	"Planu Dezenvolvimentu Estratéjiku Timor-Leste 2011-2030 kona-ba Dezenvolvimentu Ekonomiku; Investimentu Setór Privadu. Efeitu UNDAF 3: Política no programa ekonómika orientada ba kresimentu inkluzivu, sustentavel no ekuitavel no empregu desente.	Efeitu 4: Promosaun empreza sustentavel nian - Indikadór 4.1: Estadu Membre sira iha-ne'ebé ambiente kondusivel ba empreza sustentavel sai di'ak liután liuhosi reforma política, legal, institucional ka regulatóriu & Indikadór 4.3: Estadu Membre sira iha-ne'ebé intermediáriu públiku no privadu dezaña no implementa ona programa emprezariál eskalavel ho objetivu atu kria rendimentu no empregu ho foku ba joven no feto sira	
	Indikadór 2.2.1: IADE no prestadór servisu sira-seluk ofese ona servisu dezenvolvimentu emprezariál orienta ba merkadu ba empreza mikro no ki'ik iha área rural sira Fonte Dadas: Relatóriu Intervensaun BOSS nian sira Indikadór 2.2.2: Númeru Empreza Mikro no Ki'ik ne'ebé simu ona servisu hosi IADE atu hasa'e produtividade no asesu ba merkadu foun Fonte Dadas: Relatóriu Intervensaun BOSS nian sira				

Rezultadu	Indikadór no fonte dadus	Presupostu kítiku no risku	Ligasaun ho efektu UNDAF no planu dezentvolvimentu nasional	Ligasaun ho efektu P&O	Ligasaun ho ajenda rejional
	Indikadór 2.2.3: Nivel satisfasaun kliente nian ho servisu dezentvolvimentu emprezariál ne'ebé presta tiha ona ba sira Fonte Dadus: Relatóriu Intervenssaun BOSS nian sira				
	Indikadór 2.2.4: Avaliasaun hala'o tiha ona kona-ba Ambiente Kondusivel ba Empreza Sustentavel (AKES) Fonte Dadus: Relatóriu AKES nian				
CP prioridade 3: Instituisaun Governansaun Merkadu Traballu ne'ebé Di'ak					
CP efektu 2.2: Servisu barak no di'ak liután atu hadi'ak empreza mikro no ki'ik sira iha área rural	Indikadór 3.1.1: Númeru dekreto-lei kona-ba relasaun indústriál ne'ebé ezbosa no hatama ona ba Konsellu Ministru Fonte Dadus: Projeitudalei	Kompromisu polítiku hosi konstituinte ILO nian no mobilizasaun rekursu.	Planu Dezentvolvimentu Estratéjiku Timor-Leste 2011-2030 kona-ba Enkuadramentu Institusional: Jestaun Setór Públiku no Boa Governansaun.	Efeito 7: Promosaun ba kumprimentu iha servisu-fatin liuhosi inspesaun traballu - Indikadór 7.2: Estadu Membreu sira ne'ebé hasa'e ona sira-nia kapasidade institusional ka haforte ona kolaborasaun ho parseiru sosial no instituisaun no parseiru sira-seluk atu hadi'ak kumprimentu iha servisu-fatin.	
	Indikadór 3.1.2: Númeru manual/matadalan estabelese ona ba Administraun traballu atu presta servisu efektivu hodi hadi'ak kondisaun traballu Fonte Dadus: Manual/matadalan ne'ebé ezbosa ona				

Rezultadu	Indikadór no fonte dadas	Presupostu krítiku no risku	Ligasaun ho efeitu UNDAF no planu dezentvolvimentu nasional	Ligasaun ho efeitu P&O	Ligasaun ho ajenda rejional
	Indikadór 3.1.3: Númeru programa formasaun hala'o ona ba inspetór traballu Fonte Dadas: Relatóriu formasaun		Efeitu UNDAF 4: Instituisaun estadu sai sensível, inkluzivu, responsavel no desentralizadu liután ba prestasaun servisu no realizaun direitu d'ak liután, liulu ba grupu eskluidu barak liu.	Efeitu 8: Protesaun ba traballadór sira hasoru forma traballu la aseitavel - Indikadór 8.1: Estadu Membre iha lei, politika ka estratéjia atu proteje traballadór sira, liulu sira-ne'ebé vulneravel liu hotu, hasoru forma traballu la aseitavel, aliñadu ho padraun traballu internasional no liuhosi diálogu tripartidu	
	Indikadór 3.1.4: Númeru peskiza/estudu analítiku/formasaun hala'o ona kona-ba mekanizmu estabeselele saláriu mínimu Fonte Dadas: Relatóriu peskiza/estudu/formasaun				
	Indikadór 3.1.5: Levantamentu nasional kona-ba traballu infantil no traballu forsadu ne'ebé hala'o liuhosi Governu hanesan dezentvolvimentu ba medida sira hodi prevene no kombate traballu infantil no traballu forsadu Fonte Dadas: Relatóriu hosi levantamentu traballu infantil no traballu forsadu				

Rezultadu	Indikadór no fonte dadus	Presupostu krítiku no risku	Ligasaun ho efeitu UNDAF no planu dezentovimentu nasonál	Ligasaun ho efeitu P&O	Ligasaun ho ajenda rejonál
CP efeitu 3.2: Kapasidade profisionál no tékniku parseiru sosial nian fortalese tiha ona	Indikadór 3.2.1: CCI-TL nia planu estratéjiku atu hadi'ak governasaun no jestaun ba organizaasan dezentolve tiha ona Fonte Dadus: CCI-TL nia planu estratéjiku ba 2016-2018	Kompromisu hosi parseiru sosial no disponibilidade fundus (RBTC) ka mobilizasaun rekursu.	Planu Dezentovimentu Estratéjiku Timor-Leste 2011-2030 kona-ba Enkuadramentu Institusional: Jestaun Setór Públiku no Boa Governasaun. Efeitu UNDAF 4: Instituisaun estadu sai sensível, inkluzivu, responsavel no desentralizadu liután ba prestasaun servisu no realizasaun direitu di'ak liután, liuliu ba grupu eskluidu barak liu.	Efeitu 10: Organizaasan empregadór no traballadór sira-ne'ebé forte no representativu - Indikadór 10.1: Organizaasan sira halo mudansa ho susesu ba sira-nia estrutura organizasionál ka governasaun ka prátika jestaun hodi hasa'e kapasidade lideransa, efetividade, relevánsia no representatividade	
	Indikadór 3.2.2: Númeru enkuadramentu/ dokumentu pozisaun polítika bazeia-ba-evidénsia ne'ebé CCI-TL produs ona ba konsiderasaun hosi Governu Fonte Dadus: Dokumentu polítika ne'ebé hatama				
	Indikadór 3.2.3: Númeru produktu no servisu foun ne'ebé lansa liuhosi CCI-TL (ka mellowamentu ne'ebé halo ba protudu no servisu ezistente) Fonte Dadus: CCI-TL nia relatóriu anual/relatóriu implementasaun				

Rezultadu	Indikadór no fonte dadas	Presupostu kritiku no risku	Ligasaun ho efeitu no planu dezenvolvimentu nasional	Ligasaun ho efeitu P&O	Ligasaun ho ajenda rejional
	Indikadór 3.2.4: Persentajen aumentu ba CCI-TL nia número membru no rendimentu ba sustentabilidade Fonte Dadas: CCI-TL nia relatóriu anual/relatóriu implementasaun				
	Indikadór 3.2.5: Número servisu tékniku foun ka atualizadu ne'ebé KSTL hala'o ba sira-nia membru sira uza produtu koñesimentu ILO nian ka konteudu formasaun ILO nian Fonte Dadas: KSTL nia relatóriu anual/relatóriu implementasaun			Efeito 10: Organizaunsaun empregadór no traballadór sira-ne'ebé forte no representativu - Indikadór 10.4: Organizaunsaun traballadór nasional sira ne'ebé aumenta sira-nia forsa organizasionál iha nivel nasional no rejional	
	Indikadór 3.2.6: Estrutura organizasionál atu halo influensia ba politika nasional no negosiasaun kolektivu Fonte Dadas: KSTL nia relatóriu anual/relatóriu implementasaun				

Rezultadu	Indikadór no fonte dados	Presupostu krítiku no risku	Ligasaun ho efeitu UNDAF no planu deenvolvimentu nasional	Ligasaun ho efeitu P&O	Ligasaun ho ajenda rejonál
CP efeitu 3.3: Konstituinte tripartidu engaja an efeitu liután iha diálogu sosial atu aplika padraun traballu nasional no internasional	Indikadór 3.3.1: Númeru semináriu/atividade ne'ebé hala'o hodi promove padraun traballu internasional kona-ba liberdade asosiaseun no negosiaseun kolektivu Fonte Dadas: Relatóriu semináriu/atividade nian sira	Kompromisu politiku hosi konstituinte ILO nian no mobilizasaun rekursu.	Planu Deenvolvimentu Estratéjiku Timor-Leste 2011-2030 kona-ba Enkuadramentu Institusional: Jestaun Setór Públiku no Boa Governasaun. Efeitu UNDAF 4: Instituisaun estadu sai sensível, inkluzivu, responsavel no desentralizadu liután ba prestasaun servisu no realizasaun direitu d'ak liután, liulu ba grupu eskluidu barak liu.	Efeitu 7: Promosaun ba kumprimentu iha serbisu-fatin liuhosi inspesaun traballu - Indikadór 7.2: Estadu Membre sira hasa'e ona sira-nia kapasidade institusional ka haforte ona kolaborasaun ho parseiru sosial no instituisaun no parseiru sira-seluk atu hadi'ak kumprimentu iha serbisu-fatin.	
	Indikadór 3.3.2: Númeru deklarsaun ka dokumentu politika ne'ebé hatama ba Konsellu Traballu Nasionál Fonte Dadas: Deklarasaun ka dokumentu politika ne'ebé hatama ona				
	Indikadór 3.3.3: Númeru planu asaun atu operacionaliza rezolusaun kona-ba diálogu sosial no tripartizmu Fonte Dadas: Planu Asaun				